

# *NGUZU ZYA LEZA ZYAKUSANDULA*

Ndala lumba, mukwesu. [Mukwesu Carl William wati, “Masimpe nconzyo kuba accolwe cakuba a Mukwesu Branham kusika kanji loko ku Phoenix. Ndi yeeya kuti ulasika ku Phoenix kwinda kuli konse kubusena. Elyo tu yanda kuti kazumanana kusika, kufumbwa kuti Nke nooliko, nekuba. Leza akulongezye, Mukwesu Branham.”] Ndala lumba, Mukwesu Williams.

Mwabuka kabotu, beenzuma. Ndili... Eci nca mukwasyi wa Shakarian, Mukwesu Williams a Mucizi Williams abunji bwabo okuno balizyi kujatikizya ncico. Nda kacibona eco mu cilengaano, kutandila myaka yobilo na yotatwe ka taninga ciswa, nkabela caka citika.

<sup>2</sup> Elyo mwaka wainda cindi ni twa kali okuno, Ndi syoma kuti mwakali mu Mukazimaziba, ku muswaangano wabaiminizi, cakali ciindi cakuti oyo mupaizi (Nguni zina lyakwe? Nda liluba zina lyakwe lino.) wakali okuno. [Umwii wati, “Stanley.”—Mul.] Stanley, Bbishopu Stanley, uzwa ku mbungano ya Katolika. Mula yeeya cindi naka ndiletela Bbaibbele, nywebo mulizi, elyo wa kandaambila...

Kwakali kusinsima kusyoonto, “Mwana wangu musimbi waponesegwa.”

<sup>3</sup> Elyo wa kalizi kuti cilengaano ca kalaambide kuti taka poni pe. “Waa kali noofwa akati ka tuu a thrii okuloko kuseeni.” Mula ciyeeyaa eco? [Umwii waamba, “Iiyi.”—Mul.] Aboobo, tuu na thrii okuloko.

<sup>4</sup> Elyo Nse kakonzya ku mwaambila Demos. Elyo nekubaboo Nda kaambila banyina bakujana, moonya mu kaanda, mpoonya a busena awa. Nda kati, “Taka ponesegwi pe.”

Muka. Shakarian wakati, “Ee, bantubonse bali mukusinsima.”

<sup>5</sup> Ndala kati, “Mubwini, Inga ndalubila, lwangu, pele Nda ka caamba. Taka ponesegwi pe.”

<sup>6</sup> Ndala kaambila banji, kutandila myaka yotatwe yakainda, “Nda kamu bona kazuzaanina buumi bwakwe, nkabela waa kainka kuyolala mu bulo. Elyo waa katambika maanza akwe a kukwiilila ndime, mbuli boobo. Elyo Nse—Nse kakonzya akwalo kusika kuli nguwe. Elyo mpawo Nda kamubona kafwa. Elyo Ndala kalanga, nkabela kwakali cintucimwi, kwakali nkoloko, nkabela ya kaambide kuti ncintucimwi akati ka tuu a thrii okuloko.”

<sup>7</sup> Elyo aboobo bbishopu wakati, “Ee, Njo cilangilila buyo akubona eco mbo ciya kicitika.” Aboobo, caka citika.

<sup>8</sup> Twa usa ncobeni. Ndi limvwa kuti mbungano ya sweekelwa muntu mulemu, mu Mucizi Florence Shakarian. Pele, waa kali mwiimbi mupati, waa kali mwanakazi wakazwide Muuya.

<sup>9</sup> Nda kali antomwe abanyina; banyina bakali bamwi bakukwabana abo bataanzi Mbe kajisi ku Nkomwe ya Kumbo, cindi banyina niba kaponesegwa. Cindi bamadokotela... Waa kali mu ciimo cakuwizuka kapati, nkabela kazimbide konse. Elyo aboobo i—i dokotela oyo wakaliko ku kwaambila ndime, kati, "Lino kobatama loko cindi wa paila. Uta pang'i coongo. I mwanakazi uli mukufwa."

Nda kati, "Iiyi, munene."

<sup>10</sup> Elyo wa kati, mpawo, waka zumanana buyo ku ndaambila. Elyo, ee, Nse kajana neciba ciindi cakujuila mulomo wangu, mbuli.

<sup>11</sup> Aboobo, wakali Mukwesu Demos waka ndaambila kuzumanana akutanta kuyo mubona.

<sup>12</sup> Aboobo, Nda katanta matantilo. Elyo Florence wakali fugeme aa cibuye, mpawo musimbi mubotu muniini, a bamwi banakazi bambi. Elyo kainda okuya aku mukombela, a kucaamba. Elyo waa kali wizukide. Elyo ndaka mwaambila kuti waa kali kuyoinma alubo. Elyo waa kacita. Ii myaka misyoonto yakainda, waa kafwa. Elyo lino Leza ulaingula mipailo yesu.

<sup>13</sup> Elyo tu lizi obo, tula syoma kuti toonse twa kaboola okuno ku luyando lwa Leza, alimwi tula zwa munzila njionya. Omwe a omwe, umwi aumwi uyo kosola oyo mulyango weebeka. Elyo nke kaambo tuli waano kuseeni oku katu bungene mu luswaanano olu lwa Bantu Basimakwebo Banakristo, nkwa kukanana zintu ezi, akulibambilika kuli nzizyo, nkaambo tu lizi kuti masimpe ziya kuboola.

<sup>14</sup> Lino Mucizi Florence walo mwanakazi mukubusyi, wa kukomena kwa myaka ili makumi one aibili, Mukwesu Williams wakazwaa kundaambila, a mukubusyi loko. Pele kaba taninga... waa kalizi kuti waa kajisi bulwazi obu, baa, Nda kabona cilengaango cijatikizya nguwe, a kundaambila cakajanwa kuli nguwe. Mpawo, ni cakaba... Leza ulizi coonse cijatikizya ncico, a nguwe kabona Jesu mu kaanda katana unka. Ta tuyandi buyo kumu kombela, nkaambo twa kacicita eco manangi. Tu yanda kulumba Leza ku buumi bwakali akati kesu, obo bwa katugwasya toonse, mbuli Mucizi Shakarian.

<sup>15</sup> Elyo tu yanda kukombela Mukwesu Demos, Mucizi Rose. Elyo amuyeeye, ba kaumwa canguzu kapati mu buumi bwabo, mu mamanino... balo mbawisi, a mucizi wakwe muli kwakwe... myaka ya mamanino. [Umwi wakanana ku Mukwesu Branham—Mul.] Pele, alimwi, inzya, kuceya kwinda... kuceya, myeezi ili kkumi; a Mucizi—Mucizi Edna, awalo.

<sup>16</sup> Aboobo, Ndi lizi kweetelela ku Mukwesu Demos. Nda kacita kuba a bataata, mukwesu, mukaintu, a muvwanda, kufwa mu mazuba masyoonto atantamukene, aboobo Ndi—Ndi lizi obo mbwa limvwa kuseeni oku. Yebo uziba biyo ciindi wa sama mabbusu abo, nce cindi noziba nzila ya kweetelela. Elyo . . .

<sup>17</sup> [Bubambe bwa ampulifaya bwaccwema—Mu.] Nda cicita eco lwangu. Mundi jatile. Nda uma kabelesyo kaniini ansi awa abusena bumwi, a janza lyangu. Aboobo Nda—Nda usa Nda cicity kulilisyia, a kuta kanzila.

<sup>18</sup> Aboobo atwi imikile lino kuciindi notu . . . ikuti mula konzya, ikuti cili . . . Atu kotamike mitwe yesu.

<sup>19</sup> Taata Wakujulu, twa bungana awa kuseeni oku ku kukomba Nduwe, a kulumba Nduwe a kulumbaizya, nkambo kakutuma Jesu Munununi wesu, cakuti tuli jisi bulangizi kwaakumana obu buumi, mukubona kuti taku zibikani loko kuti tu kkala okuno ciindi coonse. Elyo, Taata, kubona ziimo zibyaabi maningi eyi mibili moikonya kunjila, tuli kkomene kuti ta tweede kukkanano ciindi coonse. Wa kabamba nzila ya kulobokela, kensi kwinda mu kkuti lya lufu.

<sup>20</sup> Elyo, Taata, tuli lumbide kuli Nduwe kuseeni oku, nkambo ka buumi bwa umwi wakaimvwi andiswe, kakutana inda mwaka, kaimba kulumbaizya Kwako; Mucizi Florence Shakarian, mbuli mbo tu muzi. Elyo Wa ka twaambilka kaindi kakutanaba, noiba myaka, kuti eci cakali kuyo citika, kuteeti nicata kaba cigambyo maningi kuli ndiswe. Elyo tu lizi kuti eco Nco amba nca kasimpe. Elyo mpawo Ijwi Lyako lilati, “Ii muntu wakazyalwa ku mwanakazi, uzwide mazuba mace a kuzula mapenzi.” Tu lizi ako nkasimpe, akalo, Mwami. Tu lizi toonse tuyu selemuka kwinda mu kkuti eelyo. Aboobo twa Ku lumba ku buumi bwakwe bwakali waano aa nyika. A kusyoma ku lusyomo, kuti eno, kuseeni oku, waa kaindilila kuzwa ku ng’anda eyi ya mpenzyo isampukide, kunjila mu mubili wabulemu oyo uitakonzyi kuciswa. Elyo matalenta akwe akwiimba, a jwi ndya kajisi, a muuya wakwe uvubide loko mu cuumbwe antomwe a Kristo! Kuteeti inga wa bweeda kuseeni oku, inga ta cicita pe; inga weelela kwinda monse omu alubo. Kwalo, lino kwamana, uli antomwe a banyina a bawisi. Ba kaita muvwanda wabo kuya ku muunzi. Aboobo, twa—twa Ku lumba.

<sup>21</sup> Akwalo tu yanda kulombela kuumbulizigwa, kwa Mukwesu wesu Shakarian, mukwesu uyandwa kapati, kuziba kuti i—i buumi mbwa pona, a kupenzegwa nkwaainda mu mazuba aya akumamanino, a nzila mbwabede; ku mubona kakomena, a masusu akwe kaasobelela kuzwa a makuko akwe kadiimana, elyo nekubaboo kacisola kukkanano masena akubelekela aa Leza. Leza, komupa nsana sunu. Twa komba, Leza, kuti Uya ku cipa. Kuli bonse abo baka sweeekelwa ku kuunka kwakwe, twa kombela umwi aumwi.

<sup>22</sup> Elyo tu lekele, Mwami, mbuli mbo tuyeyya ceece, kuyeyya kuti aswebo tweede kuya kuunka buzubabumwi. Kuciindi notu kkede antoomwe awa mu Busyu bwa Mwami Jesu, inga twa Ku lomba kuti ulete eci cabupya ku ciibalusyo cesu. Alimwi tu lekele tulingule, mbuli mbo kwaabede, na kulanga tumpangaliko toonse twa maumi esu, kutegwa tube kunsi lya Bulowa a mu Lusyomo. Ko cipa, Mwami.

<sup>23</sup> Lino mbuli Mbwe soleka kunsi lya ziimo ezi kuleta mulumbe muniini ku bantu, sunu, Nda komba kuti Uyo tugwasya, Mwami. Kondi yumya, nkambo Nda—Nda—Nda ciyandisya, Mwami. Elyo Nda komba kuti Uyo cipa. Alimwi akube kuti cintucimwi caambwe eco ciyooba buyo cilemeka Nduwe. Elyo ikuti na kuli bamwi kunsi lya kwaamba kwa jwi lyesu kuseeni, abo batana libambilka kuswaana oora eelyo lili kumbele kwabo, akube kuti eci cibe ciindi nibaya kulipa kuli Nguwe Oyo wakati, “Ndime Nzila, Buumi, Bwini,” naba Mwami wesu Jesu Kristo. Nkambo twa cilomba mu Zina Lyakwe. Ameni. (Inga mwa kkala.)

<sup>24</sup> [Umwii aa cibumbili wakanana ku Mukwesu Branham—Mul.] I mukwesu uyanda kuziba na boonse bala konzya kumvwa kabotu. Ujisi mamaikki obilo. Sena kuli kabotu? Muli mvwide na? Amu tambike maanza anu ikuti na mula konzya. Muli mvwide na? Amutambike maanza anu. Neibotu.

<sup>25</sup> Nda usa kuti ta tujisi busena bwaku kkalila bantubonse kuseeni oku. Elyo tu syoma kuti Nse kotola ciindi cilamfu loko ano, kweelela buyo ndiza kutu leta mu kubala kwa Ijwi; kuteeti Mwami Leza uyo zwidilizya Ijwi Lyakwe elyo libalwa, a ku tupa luzyalo Lwakwe, kutegwa tu Mu belekele kwinda kuli ndulo.

<sup>26</sup> Lino Nda ambilwa a Billy Paul, kuseeni oku, kuteeti kwayanda kulakonzeka kuti tuya kukanana Munsondo mutobela ku Grantway Assemblisi ya Leza, mu Tucson. Ikuti na kuli umwi okuno uuzwa ku Tucson, kwayanda Nse kokubona mvwiki eyi. Ndi nooli ku Grantway Assembilis ya Leza, Munsono mutobela.

<sup>27</sup> Aboobo lino twa zwaa kujoka kuzwa kutala Kujwe, elyo Ndali selemuna lwangu anii, ku kwiindizya kulya, a kwindilila kwa luse lwa bantu baku musanza mu malundu. Elyo—elyo Nda kaciswa, aboobo Nseni limvwa kabotu eyi mvwiki. Aboobo, amundi kombele. Elyo...

<sup>28</sup> [Umwii wati, “Kuvulisya kwa baoposamu.”—Mul.] Waamba nzi? [“Kuvulisya kwa baoposamu.”] Mukwesu Carl Williams agano lyakwe lya kudana, alimwi Ndi yeeya kuti tula liyanda ndyoonya lino, wa ti, “Kuvulisya kwa baoposamu.” Nse zyi kujatikizya ceeco, Mukwesu Carl, pele kuvula kwa basikaale.

<sup>29</sup> Aboobo uyanda kukombela umwi kuseeni oku, baa, Ndila—Ndila cilumba ncobeni ikuti na waba mupailo umwi wanu kuli ndime, nkaambo Ndila—Ndila uyandisya.

Lino tu yanda kuya mu Ijwi cakubinda.

<sup>30</sup> Nse yandi kumujata kwa ciindi cilamfu okuno nkaambo Ndi syoma kuti kuli zibelesyo zyakukwabana zya matelefoonu ku cisi conse okuno kuseeni oku, kwinka lweendo lonse kuzwida ku Nkomwe ya Kumbo kuyaku Nkomwe ya Kujwe, kuzwida Kunyiika a Kumusanza. Mbunga, zinji maningi zya kajana busena obo bwakukkalila mbuli nyoonse mbo mwakacita okuno kuzwa ku cikombelo. Akwalo kuli zibelesyo zyakukwabana kutala mu Phoenix, kuteti konse kuli kuswaangana, kula boola nkoonya ku i... Elyo bala bungana mu mambungano a mu maanda, a zintu mbuli ezyo, kwinda mu mayuwe mabotu loko. Ba amba kuti kuli kabotu akwalo kwiinda kapepele. Nzibelesyo zyakukwabana ku matelefoonu, ba bikka risiiva na maikrofooni, na kufumbwa mbocibede, mu kaanda. Elyo ba... Mukaintu wangu wati, katu zwida ku Indiana mvwiki yainda, katu selemukila ku Tucson, kwakali mbubonya buyo mbuli kwiimikila moonya mu kaanda. Aboobo twa komba kuti Leza uyo longezya bonse bali kumasena ali ku luwaile kuseeni oku, kufumbwa mbo babede. Kutala mu New York lino kuyooba, oh, ku masikati, a ziindi zyandene mbuli mbolu kosola cisi.

<sup>31</sup> Lino omuya mu Bbuku lya Baroma, chipati ca 12, tumpango twa 1 a 2, tu yanda—yanda kubala Lugwalo olu.

*Nda mukumbila aboobo, bakwesu, ku luse lwa Leza,  
kuti mu tuule mibili yanu kuba cituuzyo cipona, cisalala,  
a citambulika kuli Leza, uli mulimo wanu uli kabotu.*

*Elyo muta kozyanisigwi ku inyika eyi: pele  
amusandulwe mu kucitululwa kwa mizeezo yanu,  
kutegwa mu konzye tondezya olo luyando lwa Leza,  
lubotu a lulondokede...lubotu, lutambulika, alu  
londokede.*

<sup>32</sup> Lino, ikuti na Mwami wayanda, Ndi yanda kubweza ciijo cangu kuseeni oku, ali: *Nguzu Žya Leza Zyakusandula*.

*Kutegwa muta kozyanisigwi ku inyika eyi: pele  
kuba...kucincwa kwa kucitululwa kwa mizeezo yanu,  
lino, aku tondezya olo luyando lwa Leza, luli kabotu,  
lulondokede alutambulika.*

<sup>33</sup> Ncibalo cakaindi cizizilwe eco bunji bwa beembeli banu baka cibelesya kwiinda mu ciindi canu. Ca kabelesegwa kuzwa ni Ca kalembwa. Pele nekubaboobo, cintu comwe cijatikizya Ijwi lya Leza, Tali kulumpali, nkaambo Ngu Leza. Tali kulumpali. Kwinda mu nyalani zyoonse lino, munsi loko, kutandila myaka ili zyuulu zyobilo amyaanda ili lusele, na kwinda awo, eli Ijwi lya Leza lyaka balwa a bantu, bapaizi, abamwi bambi, nkabela Tali kulumpali. Nda ka Li bala, lwangu, kwa myaka ili makumi otatwe ayosanwe. Alimwi ciindi conse Nda Li bala, Ndi jana cintucimwi cipyia eco Nce kaimpya ciindi citaanzi. Nkaambo,

Lili nanikidwe, Ngu Leza mu ciimo ca lugwalo. Mwabona, Mbube bwa Leza kabu kanana, alimwi bubikkidwe mu mapepa.

<sup>34</sup> Ziindi zinji, muntu wakati, “Ee, eno, muntu wakalemba Bbaibbele eli.” Peepe. I Bbaibbele lilati, Lini, Leza wakalemba Bbaibbele. Lyalo ndi Ijwi ly a Leza.

<sup>35</sup> Alimwi Tali konzyi kukakilwa. Jesu wakati, “Majulu a nyika ziyo kakilwa, kuloba, pele Majwi Aangu taka kakilwi.” Elyo Tali konzi kukakilwa, a mukuba Leza, nkaambo Ncibeela Cakwe.

<sup>36</sup> Alimwi yebo mukuba mwana Wakwe mulombe amusimbi, uli ncibeela ca Ndilyo, nkabela eco cikubamba kuba cibeela Cakwe. Aboobo nke kaambo tula boola ku luswaanano antomwe ku Ijwi ly a Leza.

<sup>37</sup> Lino eli bbala *kusandulwa*, Nda kalilanga mu dikishinari, ijilo. Cindi, Ne kali kutandila kusweekelwa mukondo wa ciindi cakuti Nda keelede kuba atala awa, cindi Ne kali kuyandaaula cibalo, elyo Nda kajana eli bbala, na eci cibalo, mubwini, Lugwalo. Elyo mu dikishinari lyaamba cuti “ncintucimwi caka cincwa.” Ceelede “kucincwa.” *Kusandulwa*, “kubambwa bwandeene kwinda mbo cakabede, ca kali...bupange bwaco a zintuzyonse zyaka cincwa muli ncico,” *ku sandula*.

<sup>38</sup> Elyo Ndila yeeya kuseeni oku, mu Matalikilo 1. Eyi inyika yakanyina ciimo, nkabela yakali pilingene, a mudima wakavumbide nyika; taakwe cintu cita lupyopyongano lumaninide. Elyo cindi eyi inyika niyakali mu ciimo eco, Muuya wa Leza wakali kukumba kumba atala lya maanzi, elyo bubambe boonse bwaka cincwa; kuzwa ku lupyopyongano lugolede, kukuba muunda wa Edeni. Ezyo ni nguzu zyakusandula izya Leza, zikonzya kubweza cintucimwi eco citali cintu akucibamba kuba cintucimwi cibotu loko kuzwa kuli ncico. Nguzu zya Leza zyakusandula!

<sup>39</sup> Elyo twa mvwa cuti, ku kubala Magwalo, kuteeti Leza wakatola myaka ili zyuulu zili cisambomwe—cisambomwe mu kubamba eyi kuba Edeni eyi. Lino, kwayanda Ta katola ciindi cilamfu boobo; pele kuyeyela buyo, aku cibweza kuzwa ku Lugwalo awo Mpo lwakati, “buzuba bomwe kuli Leza, neuulu ca myaka aa nyika,” nkuti, ikuti na Leza weelela kubala ciindi. Elyo lilati mu myaka ili zyulu zili cisambomwe Wa kali kubamba nyika, alimwi Wa kasyanga aa nyika mbuto zyonse zibotu. Kwakali zintuzyonse ncobeni zya kalondokede.

<sup>40</sup> Ndi yeeya cuti, ziindi zinji, cindi abalo basikujana butongo batalika kubala Bbuku lya Matalikilo, bala talika kuli Li kazya, nkaambo kuboneka mbuli cuti Lila liloolola Lini cakuzumanana, na ku kusowela awa a waalya.

<sup>41</sup> Pele ikuti na twa langisya buyo kwa kaindi kaniini, katu taninga njila mu cibalo eco, cuti, Musa wakabona cilengaano. Elyo Leza waakanana kuli nguwe. Leza waakanana kuli Musa busyu ku busyu, milomo ku kutwi. Lino, Ta kaambaula ku

muntu umbi mbuli boobo, mbuli Mbwa kacita kuli Musa. Lino, Musa wakali mulemu, umwi wa basinsimi boonse balemu kapati. Wa kali cikozyanyo ca Kristo. Elyo eno Leza inga wakanana, Uli jisi jwi. Lya kamvugwa. Leza inga wakanana.

<sup>42</sup> Alimwi Leza inga walemba. Leza wakalemba milao ili kkumi kubelesya munwe Wakwe Mwini. Wa kalemba a malambo aku—aku Babuloni lomwe, kubelesya munwe Wakwe. Wa kasintama a kulemba mu musenga ciindi cimwi, kubelesya munwe Wakwe. Leza inga wakanana. Leza inga wabala. Leza inga walemba.

<sup>43</sup> Leza Nkasensa ka luzyalo a Nguzu zyonse, a busongo boonse bwa Buleza, buli muli Leza. Aboobo mpawo, mukuziba boobo, Ngo Mulengi alikke uliko. Takukwe mulengi umbi ccita Leza. Saatani takonzyi kulenga, pee, ukonzya buyo kupendula eco cakalengwa. Pele Leza ngo Mulengi alikke.

<sup>44</sup> Nkikaako, Wa kalenga kwinda ku Ijwi Lyakwe. Wa katuma Ijwi Lyakwe. Aboobo imbuto zyonse Nzya kabikka aa nyika, Wa kabumba imbuto ezyo kwinda ku Ijwi Lyakwe Mwini, nkaambo kwakanyina cili conse cakupanzya mbuto. Wa kazibikka, alimwi zyakali kunsi lya meenda. Wa kaamba buyo kuti, “Akube *ceeci*, alimwi akube *ceeco*.”

<sup>45</sup> Lino tu jana kuti, ziindi zinji, ciboneka mbuli kuti Bbaibbele lila liloolola na kwaamba cintucimwi eco nec Li taambi. Kupa mukozyanyo, mu Matalikilo 1, tu jana kuti, “Leza wakalenga muntu mu cinkozya Cakwe Mwini, mu cinkozya ca Leza Waka mulenga; mwaalumi a mwanakazi Wa kabalenga.” Elyo mpawo Wa zumanana, alimwi zintu zinji zya kacitika aa nyika.

<sup>46</sup> Mpawo tu jana kuti, kwakanyina muntu wakupanda bulongo. “Mpawo Leza wakalenga muntu kuzwa ku suko lya nyika.” Oyo wakali muntu umbi. “Elyo Wa kafulida muuya wa buumi muli nguwe, nkabela wa kaba buntu bupona.”

<sup>47</sup> I muntu mutaanzi wakali mu cinkozya ca Leza, uuli Muuya. Johane 4, ilati, “Leza ngo Muuya, nkabela abo ba Mu komba beelede ku Mu komba mu Muuya a mu Bwini.” Pele Leza ngo Muuya. Elyo muntu mutaanzi, oyo Ngwa kalenga, wakali muntu wamuuya, alimwi wa kali mu cinkonzya amu kukozyanya kwa Leza.

<sup>48</sup> Elyo mpawo Wa kabikka muntu oyu mu mubili, nkabela muntu wakawa. Aboobo mpawo Leza wakaseluka ansi akuba mu cinkozya ca muntu, kutegwa Ka konzya kunununa oyo muntu wakawa. Ako nke kaano keni ka Makanimabotu, ku—ku kuyeeaya kwangu.

<sup>49</sup> Lino, Leza, mu myaka ili cisambomwe, wakasyanga imbuto ezi zyonse zibotu, na Wa kaamba Ijwi Lyakwe. “Ciyoba munzila *eyi*. *Eli* samu liyooba. *Eli* liyooba.” Zintuzyonse zyakali londokede. Kwakali kubotu buya. Elyo Wa kalailila imbuto aimwi eyo kuti zikabe, kuti zikali sandule zini kuba cisamu ca musyobo wa buumi obo Ijwi lya Leza ngo lya kaamba muli

nzizyo kweelela kuba. Ikuti na lyakali samu lya mubanga, lya keelede kuzyala mubanga. Ikuti na lyakali lya palmu, lya keelede kuzyala palmu.

<sup>50</sup> Nkaambo, Mulengi mupati waka zwaa kutuma Ijwi Lyakwe, nkabela mbuto ya Ijwi yakaliko kale mbuto ini kaitana sola kubumbwa. Elyo Ijwi lya kabumba mbuto. Mwabona, “Wa kapanga inyika kuzwa ku zintu zitalibonyi.” Mwabona, Wa—Wa kapanga inyika kwinda ku Ijwi Lyakwe. Leza waakanana zintuzyonse mu kulengwa.

<sup>51</sup> Elyo mukuba Leza, Mulengi, kakanana zintu zyonse mu kulengwa, kweelede kuti yakali inyika ilondokede. Bwa kali ii—ii busena bubotu. Ya kali ii—ii paradaiso ini kasimpe aawa aa nyika.

<sup>52</sup> Lino, mbuli, busena abumwi bweelede kuba a mahedikkota kubusena bumwi. Oyu muswaangano wabaiminizi uli jisi mahedikkota, alimwi oyu mutabi uli jisi mahedikkota, alimwi mbungano ili jisi mahedikkota. Alimwi Leza uli jisi mahedikkota. Elyo obu mbusena bulemu, cindi nco tuponamo, buli jisi mahedikkota. Elyo aboobo eyi Edeni mpatti yakali jisi mahedikkota, alimwi mahedikkota ayo akali kutozya mu muunda wa Edeni, na mu Edeni, kujwe lya muunda.

<sup>53</sup> Elyo Leza wakabilka atala awa, ku kweendelezya bulenge Bwakwe bupati bonse awa aa nyika, mwana Wakwe a nabwiinga wa mwana Wakwe, Adamu a Eva.

<sup>54</sup> Leza wakali Wisi kuli Adamu. “Adamu wakali ii...mwana wa Leza,” kweendelana ku Magwalo. Wa kali mwana wa Leza.

<sup>55</sup> Elyo Leza waka mubambila mugwasyi umweelede, kuzwa ku mibili wakwe mwini; antela kabambo kuzwa atala ku moyo wakwe, kutegwaa kakozenye kuli nguwe, akumu bambila mugwasyi umweelede. Ta kalinaba mukaintu wakwe ncobeni, wakali cili buyo muntu; Wa ka caamba buyo. Elyo mpaawo penzi mpolya kasikila, Saatani waka mujana Adamu katana cita. Aboobo, lyakali buyo Ijwi Lyakwe Ndyia kaamba.

<sup>56</sup> Nda amba ceeci, Ta ndiyanda kutola ciindi cilamfu ali ncico. Pele nobamwi inga mwanyongana aniini, kapati bantu bamwi kutala mu i—bazwa ku Musanza, baboneka kujana eci kunyonganya asyoonto, aa Mulumbe oyo Ngwe jisi uuzwa kuli Leza sunu, ku bantu, oyo ujatikizya lunyungu lwa muzoka. Elyo Ndiya ku muunzi, na Mwami wayanda, bumwi bwa mazuba aya, ku Jeffersonville. Ndi yanda mulumbe utandila ku maora ali cisambomwe, akululamika eco conse, mwabona, kutegwaa uka cibikka buyo mu ciimo nco myua kuziba eco ncoti kanana. Alimwi ngu MBUBOOBU MBWAAMBA I MWAMI. Ngwa kasimpe buya mbuli mbo cakabede cindi Na kabona Mucizi wesu Florence kataninga kuunka, myaka misyoonto. Mwabona, Bwalo Mbwini. Alimwi lino swebo...ndiza tau mvwugwi kabotu.

<sup>57</sup> Ikuti na muntuumwi waboola kuli ndime, cintucimwi ciimpene, inga tii Nda cimvwisya, lwangu. Inga nse kazya eco umwi ncaamba. Ta tweelede kukazyanya. Nse jisi mulandu wa kucita ceeco; Ndi lumba Mwami. Nda kakazya cibi a kutasyoma; pele taakwe muntu mugame, mwabona, Nse—Nse citi. Tuli—tuli bakwesu a bacizi, bakakatila, tu selemukila oko Mucizi Florence nkwa kasika jilo kuseeni, mwabona. Waa... Toonse—toonse tuya kusika ku nzila eyo. Elyo tabuli bukanze bwesu ku—ku sola kukazya mukwesu na mucizi oyo uuta zuminani a ndiswe. Peepe, akube kulaale loko kuli ndime kucita ceeco! Nse syomi kuti muya kusola kujana teepu eyo Nje kasola kwiita zina lya umwi. Awo, Mpe kalimvwa kuti ziindi zinji muntu wa kalubizya, pele eco cila akati kabu a Leza. Pele eco cilubide, munzila ya cibi a... Elyo kutamvwisya ziindizimwi tacili cibi acalo, nkutamvwisya buyo kwa bantu. Elyo Ndi—Ndi yeeya kuti umwi aumwi wesu uli jisi nguzu zya kulipandulula mwini ku kumvwisya kwesu.

<sup>58</sup> Lino oyu Mulengi mupati waka bikka mwana Wakwe wakalengwa. Lino, Adamu wakali mwana Wakwe mutaanzi kulengwa. Jesu wakali Mwana Wakwe *simuzyalwa* alikke, mwabona, Wa kazyalwa ku mwanakazi. Pele Adamu wakazwa cigaminina ku janza lya Leza, mu bulenge.

<sup>59</sup> Lino mahedikkota, a mwana Wakwe—Wakwe a nabwiinga wa mwana Wakwe kulanga zyonse, ya kaboneka kulondoka loko. Kwakali ii—ii muntu, mutwe wa zyoonse zyayo, mwana Wakwe Mwini a nabwiinga wakwe.

<sup>60</sup> Alimwi aimwi mbuto yakali londokede, mapalmu, mibanga, a bwizu, a bayuni, a banyama. Elyo zintuzyonse zyakali londokede mu maccililanwa alondokede ku Mulao wa Leza, “Uta cinci bupange bwako. Kozyala musyobo wayo, aimwi mbuto! Mubanga, uta soli kupenduka kuba samu lya poopo.” Mwabona? “Palmu, uta penduki kuba cintucimwi cimbi. Pele aimwi mbuto ibe mbuli musyobo wayo!” Elyo Wa ka—Wa ka ilangilila mu ziindi.

<sup>61</sup> Elyo Wa kaamba Ijwi. Alimwi nguzu Zyakwe zipati zyakulenga zya kabumba zintu ezi zyakayutuka, naba mwaalumi a mwanakazi. Alimwi bakali ngo mutwe nkaambo bakali i...bali babotu kwiinda mikowa yoonse imbi. Elyo Wa kaba bikka abalo kunsi lya kumamela kwa cintu nciconya nca Ka bikka masamu, banyama, a zimwi zimbi: Ijwi Lyakwe. Tiiba keelede, pee, kutyola elyo Ijwi. Ba keelede kukkanala Awo. “Muta soli kugusya cili conse kuzwa kuli Ndilyo, na kuyungizya cili conse kuli Ndilyo! Mweelede kuponena ku Ijwi eli.”

<sup>62</sup> Elyo kufumbwa kuti obo bulenge ni bwakakkala boobo, Mucizi Shakarian na takeelela kuti kaunkide kuseeni oku, kufumbwa kuti nibwa kakkala mbuli boobo, lubono lupati lwa Leza! Nko tusyoma kuti nkotu tozya alubo. Tu jokela ku kasena ako, obo busena.

<sup>63</sup> Oko kuseeni kwa ciloba, cindi Leza kakulanga koonse, nkabela Wa kati, “Kuli kabotu. Ndili—Ndili boteledwe ankuko. Inzya, Ndili—Ndili—Ndili kkomene kuti Nda cicita. Elyo konse kuli mu bweendelezi eno. Elyo Nda bikka lusyomo mu mwana Wangu a mu mukaintu wakwe, kutegwa—kutegwa baya (kubabamba kweendeleya zyonse zya ncico), kuti baka mamele ncico conse akubona kuti cili kabotu, kutegwa zintuzyonse zikazyale misyobo yazyo. Lino ujisi nguzu zya kucita ceeco.” Leza mpawo wakati, “Ee, ikuti na zyonse nzibotu loko, alimwi ta zikonzyi kuba zimbi, nkaambo nkuyanda Kwangu nde Mwini. Nje nzila Mbwe ciyanda. Alimwi Nda caamba mu nzila eyo, alimwi Majwi Aangu acileta mbubonya buyo Mbweli ku ciyanda. Elyo nceeco we. Zyonse nzibotu!” Aboobo Bbaibbele lyakati, “Leza waka lyookezya buzuba bwaciloba, kuzwa ku millimo Yakwe yoonse.”

<sup>64</sup> Elyo zintuzyonse zili kubwendelezi, bwa kuzyala musyobo wazyo. Lino amuyeeye, “ku zyala.” Cindi Na kabikka mbuto mu nyika, mbuto ikonzya biyo kumena ku nguzu zili muli njiyo, ku kwiisandula kuzwa ku mbuto kuba samu, kufumbwa mboibede. Nguzu zyakwe zyakusandula! Lino, Leza waka bikka mbuto omuya, akukonzya kwakuti iyooba obo Mbwa kayaamba kuyooba. Elyo kufumbwa kuti kaikkala mu musela uli kabotu, niya kaba mbubonya buyo Leza mbwa kaamba kuti iyooba. Ya kacita kuba booboo, nkaambo Wa kapanga booboo, a kubamba mapolelo. Kuteeti, kufumbwa cintu cikkala mu mapolelo Aakwe, mu muncali Wakwe wa Ijwi, ciyo zyala mbubonya mbuli Ijwi Lyakwe mbo lya kaamba kuti ciyo cita. Ta cikonzyi kuzwa awo. Cibambwa kupola mbubonya buyo mu kululama. Aboobo, ku zintuzyonse mu kusyoma mu Mwana Wakwe Mwini, kuteeti iya kuba booboo, mpawo Leza wakati, “Zyonse nzibotu, aboobo Njo lyookezya. Elyo aimwi imbuto eyo ili jisi nguzu muli lwayo, zya kulisandula ini kuba mu nkamu ya zikozyanya Nze kaiyandila kuba. Obo mbo yeelede kuba, nkaambo Nda ipa aimwi mbuto nguzu zyakusandula, zya kulipanga ino, mu kukonzya kwayo lino kulipanga ini mbubonya obo Mbwe yanda kuti ibe.”

<sup>65</sup> Leza tana cinca. Ngu mbobuca buyo sunu mbuli Mbwa kabede kaindi! Leza uli kanzide kucita cintucimwi. Uyo cicita. Taakwe ciyo Mu lesya. Uyo cicita!

<sup>66</sup> Lino kumane kuti zyonse zyakali kabotu loko akubambwa mu ncililano, Leza wakalimvwa masimpe eno kuti zyonse ezyi ziyooba kabotu, elyo mpawo, cindi Na kacita, mpawo kwakasika sinkondo. Ndiya ku... Leza wakapa nguzu zya kusanduka. Elyo Ndila ita mulombwana oyu, ujisi nguzu zya kuta—kuta lenga alubo, pele Ndili... Wa kali jisi nguzu zya kulemanya, kutali kusandula; pele kulemanya. Lino, kufumbwa cintu cizwa ku ciimo caco citaanzi, kuli cintucimwi caka lubila ancico.

<sup>67</sup> Myaka imwi yakainda, mu lweendo lwa kulangalanga, kuya butanta mu myuunda ya mapopwe, Inga ndayeeya, kwakali mutabi waka tyoka kunsi lya samu, nkabela wakawida a cisiko capopwe. Elyo cisiko cakali kusola ku buboto bwaco kubuka kwiima nji mbuli mbo cakeelede kuba, pele caka lemana nkambo kakuti cintucimwi caka citika. Elyo kasamu kakayeeme ali ncico.

<sup>68</sup> Mpawo tu jana zizambaila zyamusokwe mu muunda. Kwalo, bunji bwanu nobaalumi awa, alimwi ndiza nobanakazi bamwi... ikuti na uzwa ku Kentucky. I banakazi bala belesya jamba okuya mbubonya mbuli baalumi, kuya mu muunda a ii—a jamba, tu liita kuti jamba lyakaindi lyoongomene mbuli nsingo ya dakisi, a kusya i—i zisamu zizambaila konse. Nkambo, ikuti na toka jana ezyo zizambaila konse, oko mapopwe nkwa kabede mu munkali, mbuli *boobu*, mpawo eco cisamu cizambaila inga casika, aku kwempa cipopwe eco, akuli zambaila cini bucebuce, cabutete loko, cabumpelenge loko, cakuti tokonzyu kuziba kuti cakali kuzambaila. Elyo kumalekelo ciba a nguzu a nguzu kapati, akukwela cipopwe eco kusikila calemana. Cila cikweka kuli lwaco, cilali zambaila ku musaansa waco; ku cilemanya kuzwa mbuli mbo cakabede, ku kuba cintucimwi cimbi. Nekubaboobo ncipopwe, pele ncipopwe caka lemana.

<sup>69</sup> Elyo toonse tucili mu cinkozya ca Leza. Pele bamwi bali lemene kapati, mbuli bana ba Leza, abo beenda cakwiimpana ku Ijwi Lyakwe a ku nzila eyo—eyo Nja katupa a kutu bambila kweenda. Kubamba cintucimwi, inyika ila tupilinganya kuzwa mu nzila, kutu kwela munsi kuli njiyo, alimwi kutantamuka ku kazila ako, kamanikide katonkomene Mwa katu syangila mukati, kuba bana balombe abasimbi iba Leza. Cibi caka cita cintu eci cibbi ku bana balombe abasimbi iba Leza.

<sup>70</sup> I sikulemanya! Ndi lizi eci ciboneka kuba ceenzu kukanana ncico munzila eyo, “ku—ku kulemania,” pele obo mbwa kabede; wa kalemania, na kupilinganya. *Kupilinganya* caamba, “ku cincwa konse, kubambwa kuba cintucimwi candeene.” Elyo *kulemana* cintu nciconya, eco cakaletwa atala a kulemana, a “kubambwa mu nzila imbi.” Nekubaboobo icili mbuto njionya, pele ya kalemana.

<sup>71</sup> Lino tu jana kuti oyu sikulemanya awalo ujisi musela nguonya wa ciindi, wa kulemania, mbuli Leza mbwa kajisi kusandula. Lino wa kasyanga mbuto zyakwe, nape, kutasola kusyanga mbuto yakwe, wa...mu muunda wa Edeni. Kuzwida ciindi eco, uli jisi myaka ya zyuulu zili cisambomwe ya kulemania Mbuto ya Leza, Ijwi lya Leza; ku Kwi lemania, Kwi bamba kuba cintucimwi candeene; cindi na...ciindi citaanza Eva naka muswiilila, akuli bwezela buyo bwaambe bomwe buniini.

<sup>72</sup> Amuyeeye, lutaanzi Saatani waka balulula olo Lugwalo cantangalala mbuli kakali kukonzya kuba, “Leza wa kaambide kuti, ‘Tamu kalyi musamu onse uli mu muunda wa Edeni?’” Mwabona? “Tamu kalyi musamu onse na?”

<sup>73</sup> Elyo amuyeeye lino, Eva wakati, “Iiyi, inga twalya ku musamu onse; pele musamu uli akati ka muunda, ta tweelede nokuba kuuguma.” Lino amu mulange, mu mulumbe wakwe, wakapilinganya elyo Ijwi aniini buyo. Mu kwaamba...Eva wakati, “Nkambo Leza wakaamba, kuti, na twa cita ceece, obo buzuba tuyu ‘kufwa.’”

<sup>74</sup> Wa kati, “Oh, masimpe tamu kafwi.” Mwabona, wa kali ii—ii muntu, wa kati, “Ko—ko—cicita eci lino. Elyo, nywebo—nywebo muli—nywebo muli musyobo wa bantu uutakwe luzibo. Nywebo, nconzyo, tamu zyi zintu zyonse. Pele ikuti na mwalya biyo kuli oyu, inga mwaba a busongo, inga mwaba a luzibo. Muya kuziba ciluleme kuzwa kuli cilubide akuba mbuli tuleza, nywebo, ikuti na mwakonzya biyo kutambula busongo obu Mbwe jisi. Ndi lizi, pele tamu zyi.”

<sup>75</sup> Kwalo, kuli kabotu kuba a busongo. Pele ikuti na busongo buliimpene, ikuti na busongo tabuli busongo buluzi buzwa kwa Leza, busongo bwa Buleza, akuba busongo bwa kunyama; Ta ndikwe makani kuvula kwa sayaansi nko tujisi, a kumbi, na lwiyo, ndwa dyabulosi. Ndila citondezya kuli ndinywe, na Mwami wayanda, mu maminiti masyoonto. Ndwa dyabulosi.

<sup>76</sup> Lusumpuko ndwa dyabulosi. Nda kazwaa kumanizya kukambauka ali ceeco. Zyonse zilengwa mu nyika, inguzu zyonse zya sayaansi, a zintuzyonse, nzya dyabulosi. Ayo makani akwe nga kambauka, aa luzibo mu muunda wa Edeni. Elyo wa kabweza olo luzibo, luzibo lwaka pilinganisigwa, lwiimpene ku Ijwi a luyando a bubambe ibwa Leza. Elyo lino ujisi myaka ya zyuulu zili cisambomwe ya kucita mbubonya buyo eco Leza ncakacita, biyo mu nzila ipilingene, a kubweza mweelwe nguonya wa ciindi kuleta Edeni yakwe mukati. Lino uli jisi Edeni awa aa nyika, alimwi izwide busongo, aluzibo. Ayo kali makani akwe ku matalikilo, luzibo, busongo, sayaansi. Taakwe cindi Leza nakasola kubambilila ceeco. Elyo Ndi—Ndi yanda kuti mulange aniini. Wa kacita ceece, alimwi nkaambo kakuti wa kali muntu wa busongo bwanyika.

<sup>77</sup> Lino, nciyumu kwaamba ceece. Calo—calo nciyumu loko, kukanana ku bantu balimwva nzila njionya Nje cita, a nzila Nje kabede kwa myaka minji. Pele kuzwida kukujulwa kwa Zinamatizyo ezyo zili Ciloba, balo Baangelo kunze buyo lya mulundu kulaale, *Eli* lyaba bbuku lipya. Nzintu zya kasisidwe, zili mukuyubununwa mbuli Leza mbwa kasyomezya mu Ciybunuzyo 10, kuti Uyo cita. Elyo tuli bantu balaa coolwe abo Leza mba kasala, ba nyika, kutegwa tubone a kumvwisywa zintu ezi; eyo iitali miyeeyo imwi ya kuyeyelya buyo, yakunyama

kwa muntu kusola ku cipanga. Ndi Ijwi lya Leza lya yubululwa, tondezegwa, kuti Cili luleme. Katondezegwa, kutali ku sayaansi; pele kwinda kuli Leza, kuti Lili luleme. Leza, mbuli mbo Nda kaamba kale mu mulumbe, Leza tayandikani umwi kupandulula Ijwi Lyakwe. Ngu sikupandulula Lwakwe Mwini. Ula amba kuti ciya kucitika, nkabela cila citika. Nko kuti, Ula—Ula cisimpikizya, eco cila cipandulula.

<sup>78</sup> Myaka misyoonto yakainda cindi, tobantu ba Pentekoste, cindi i—i mambungano ambi naka twaambilka kuti twa kali “sondokede,” tii “twakakonzya, Muuya Uusalala wakali cintu cakainda.” Pele tu jana kuti cisyomezyo ca Leza cakali ca onse wakali kuyanda, elyo lino tuzi bwandeene. Mwabona, alimwi eco nci kaniini a niini, eci cintu caka juka.

<sup>79</sup> Elyo lino Wa kasyomezya kuti maseseke akasisidwe muli ayo, onse ayo makkalo aambungano, ayo yubununwa nkoonya ku ciindi camamanino. Elyo Ula tulekela kuziba lino. Tuli ku ciindi camamanino. Tuli waano eno.

<sup>80</sup> Lino, Saatani ngu mukamwini wa lusumpuko. Ngu mukamwini wa sayaansi. Ngu mukamwini wa lwiiyo.

Nywebo mwati, “Sa obo mbwini?”

<sup>81</sup> Yaa, atu bale mu Ijwi lya Leza eno, Matalikilo 4, alimwi atu joke a kubona buyo aniini. Ndi lizi Ndi . . . ikuti na Nda tola ciindi cilamfu, Mukwesu Carl antela ula ndaambila. Pele, Matalikilo, chipati ca 4, a kampango ka 18, kala zumanana ku twaambilka awa, ku kutalika, eco Leza nca kacita, kutegwa abikke lutuko a mwaalumi a mwanakazi, abonse bakali kuyo cicita; alimwi kutali *lutuko* ali mbabo, pele ku baambilka eco ciya kucitika, a kutuka insi nkambo ka Adamu. Elyo tu jana kuti aa, Eva waka jisi mayanga. Elyo umwi wabo wakali wa Saatani a umwi wabo wakali wa Leza.

Lino nywebo mwati, “Uh-oh! Peepe. Lino, Mukwesu Branham!”

<sup>82</sup> Aniini buyo. Amundi janine Lugwalo lomwe, ali onse, olo lwaamba kuti Kaini wakali mwana wa Adamu. Ndila mutondezya mu Lugwalo awo Mpo lwaamba kuti, “Kaini wakali wa oyo mubi,” kutali Adamu.

<sup>83</sup> Lino amubone cindi na kamita awa. Tula talikila a chipati ca 4, lutaanzi.

*Elyo Adamu waka swaanana . . . mukaintu wakwe;  
elyo waa kamita, akuzyala Kaini, a kuti, Nda jana . . .  
waa kali eno, Nda jana mwana kuzwa ku MWAMI.*

<sup>84</sup> Mubwini, caka leeleda kuba. Takukwe makani ikuti na wakali muvuule na cili conse, wa kacita kuzwa kwa Leza, mwabona, nkaambo ni mbuto Yakwe, walo mulao wa mbuto Yakwe, yeelede kuzyala na ni mbuto mbi, mbuto yakapilingana,

na kufumbwa mboibede. Yeelede kuzyala, nekuba. Nku lailila Kwakwe.

*Elyo waa kazyala munyina alubo, Abela.*

<sup>85</sup> Taakwe wa kamuysi. Adamu waka swaanana a mukaintu wakwe, nkabela waa kazyala Kaini a kuzyala Abela awalo, mayanga. Saatani wakali anguwe kuseeni oko, Adamu masikati ayo.

<sup>86</sup> Mula bona kukwankwana kupati mu mutende awa, Ndila syoma, mu Tucson eno, zya mwanakazi oyo wakazyala mwana uusiya a mwana mukuwa, ku ciindi nciconya. Waa kalala a mulumi wakwe kuseeni oko, mwaalumi masika ayo. Elyo mwaalumi wakasola kulanga...mwaalumi mukuwa wakati uya kulanga mwana wakwe, pele mwaalumi uusiya wakuti uyo langa wakwe wini. Mwabona? Ndi lizi cuti, mu kutintanya babwa azimwi, ciyo cita nconzyo, ikuti na cili mu maora masyoonto kuzwa awo. Eci cila citondezya.

<sup>87</sup> Lino kutondezya oko lusumpuko nko kuzwa, lino atu bale matalikilo awa, mu chipati ca 4 ca Matalikilo alubo, akubona abusena. I kampango ka 16.

*Elyo Kaini wakazwa ku busyu bwa Leza, akuyo kkala mu nyika ya Nodi, ku lubazu lwa kujwe kwa Edeni.*

*Elyo Kaini waswaanana a mukaintu wakwe; nkabela waa kamita, a kuzyala Enoki: elyo wa kayaka munzi, akuuita zina lya munzi, muli...mwana wakwe, Enoki.*

<sup>88</sup> Lusumpuko lwakatalika. Mwiyi Scofield, omuno mu Bbaibbele lyangu lya Scofield, lilati, "I lusumpuko lutaanzi." Amubone, mpawo wa kazyala bana, nkabela baka panga maogani a ziimbo. Umwi utobelwa wakazyala bana, nkabela wa katalika kucita zintu zimbi, zigambyo, kayaka minzi, a—a kupanga zibelesyo zya butali, a misyobo yonse ya zintu. Mwabona, eco nca kacita, kuba a lusumpuko lutaanzi, olo lwakali lwabana Kaini. Wa kacita cintu nciconya mucindi ca makkalo.

<sup>89</sup> Lino atu sike alya ku kampango ka 25, akulanga utobelwa mbwa kabede.

*Elyo Adamu waka swaanana a mukaintu wakwe alubo, eno, a kuzyala mwana, akwiita zina lyakwe cuti Seti: Nkambo Leza, alimwi waa, ka ndipa lunyungu lumbi mucibaka ca Abela oyo Kaini ngwa kajaya.*

*Elyo Seti...Elyo kuli Seti, kuli nguwe akwalo kwakazyalwa mwana; nkabela wa kaita zina lya cuti Enosi: elyo mpawo bantu bakatalika kwiita zina lya Mwami (kuzwa ku lubazu lwa Seti, kutali lubazu lwabana Kaini).*

<sup>90</sup> Mwabona, eyo mupampu mupati oyo ngo tu jatilila kapati toonse! Niinzi kkomunizimu sunu, kakali kaleza kabo na? Nkwa

bapampu, sayaansi. Ino tucita nzi, nekuba? Tu ponera ali? Amulanganya majwi aya sunu.

<sup>91</sup> Lino walo musyobo wakwe wa Edeni, Saatani ulacita lino. Mu myaka eyi ya zyuulu zili cisambomwe, wa panga (kutali kulenga), pele, walemania nyika yonse ya Leza, zilenge Zyakwe, banyama, kutintanya kwaakati, kutintanya; masamu, zisyango, bantunsi; nobuba bukombi, Bbaibbele, mbungano; kusikila wali janina muunda wa Edeni umaninide, wa sayaansi, zintuzyonse kazyenda ku sayaansi. Myootokala yesu, zintuzyonse nzyo tu jisi, zyakapegwa kuli ndiswe kwinda ku sayaansi, eco muntu nca kacita. Elyo ujisi Edeni yakwe mpati awa; kukutondezya Mulumbe kuti ngwa ciindi ceelede, ku kutondezya kuti tabuli bukkalo bumbi pele Ciybunuzyo 10! Amulange kutintanya sunu, kubamba kabotu loko, na kweebeka kapati, kutali kabotu loko. Amulange bana baniini sunu.

<sup>92</sup> Nda katoledo mwana wangu musimbi kuli silwiyo lwameno, jilo, elyo wa kati meno akwe akali kuzungaana. Ii mukwesu kunselelo mu Tucson, Mukwesu Norman, waka toledo mwana wakwe muniini musimbi, nkabela meno aakwe kali kugwejuka. Elyo silwiyo lwa meno waamba kuti cakufwambana, ula syoma, kuti ndiza mu zindi ziciboola, kuti bantu bayo zyalwa, meno ano yabumena nzila zili zyonse. Nzakulya nzyo tulya, zyakulya zya kantintanisigwa.

<sup>93</sup> Sena mwa kabala *Reader's Digest*, mweezi wainda, kujatikizya Billy Graham, muvangeli uuzizilwe? Sena mwakali ku muswiilila? Ndila mukombela eno kwinda lyonse. Cindi na kaambaula kuli baabo ba makkola apindamwidwe, azimwi, busiku bwainda, ku cibikka aa mupaizi oyo. Cintucimwi ceelede kucitika kuli nguwe. Bumwi bwa mazuba aya, Ndi syoma kuti uyo bona busena bwakwe awo mpa bede, amubone, lino wiitila kuzwa mu Sodoma, oyo munzi upilingene. Elyo lino amubone muli eyi *Reader's Digest*, Billy waka kompama maningi cakuti taka konzya nokuba kuba a miswaangano yakwe. Elyo ba kamwaambila kuti wakeelede kuzuzaana, kucita maekisaizi, azimwi. Aboobo ula zuza maile a buzuba, Nda syoma mbokubede, na cintucimwi, kuba a maekisaizi.

<sup>94</sup> Muntu uli bolede. I mukowa onse wabantu uli nyongene. Zintuzyonse zili mbuli mbo kwakabede ku ciindi ca zambangulwe. Ili nyongeni cakumaninina, kunyonwa, bwandeene kuzwa ku bweende butonkomene Leza mwaka zisyangila. Cibi, kwinda mu sayaansi a lweeno, lwa nyonganya mukowa onse wabantu.

<sup>95</sup> Sena mwakabala akwalo kensi buyo lya caano eco, awo mpo cakati, "Mu mazuba aya, kuti basimbi a balombe baniini bali mu kukomena kwabo kwaakatikati, kweendelana ku bupange bwakunyama, akati ka myaka ili makumi obilo a makumi obilo ayosanwe"? Amu ciyeeye.

<sup>96</sup> Mu kutweluka masiku ainda, Nda kajata musimbi wa myaka ili makumi obilo ayobilo, kuya ku mweezi, ka mwiita. Alimwi nce ncico dokotela wakwe ncaka mwaambila.

<sup>97</sup> mwabona, mukowa wakawa, uubaukide, kuya ku gehena wa bubi. Ndi lizi eco cilimvwisya kutaba mbuli milao yakulilemeka, pele cili Mubbaibbele, mwabona, eco cili bwini; alimwi oyu mukowa ngu tupona mo, eyi nzyalani ya bantu.

<sup>98</sup> Lino amubone sunu, kutintanya ng'ombe, kutintanya masamu; a sayaansi ya joka ncobeni, sayaansi njionya nji cicita, kwaamba, "Eco nce cinyonyoona mukowa onse wabantu." Mula cibala mbubonya Mbwe cita. Ee, nkaamboンzi ncoba cilesya? Nkaambo kakuti taba konzyi ku lesyi. Ijwi lya Leza lyaka caamba kuti ciyooba booboo. Pele ikuti na niba konzya kuyeeaya asyoonto, balo nzibelesyo, mbuli Judasi Isikariote, kubikka cintu mbubonya eco Leza nca kaamba kuti ciya kucitika. Nku cicita mbubonya buyo ku mbaakan yabo ya sayaansi.

<sup>99</sup> Kwinda ku kubbutukizya kwakwe kwasayaansi, mu bubambe mbubonya mbwa kacenga Eva, wa kaicenga mbungano ayalo, kwalo awo Eva wakali cikozyanyo. Lino, lino Adamu ncikozyanyo alya alubo, na Eva, mubwini, ca mbungano, amubone mbo caka cicita. Kwiinda mu tuntulikila luzibo, waa tezeleka kukosola munyinza akati ka ciluleme acita luleme, ku kuswiilila kupilingana kwa Saatani, na bulema, bwa Ijwi lya Leza taanzi.

<sup>100</sup> Elyo eno mambungano sunu akalemana. Lino Ta ndaambi kujatikizya bantu, bagame. Nda ambaula kujatikizya mbungano ya nyika. Imwi ilipilingene munzila imwi alimwi imwi ipilingilene bumbi, alimwi, kwinda ku sayaansi. Bubambe mbubonya mbwa kacita. Wa kacita kukonga kwakwe, Saatani wakacita, muli Isaya 14:12.

<sup>101</sup> Atu bale ceeco aniini. Mu Bbuku lya Isaya, atu talikile chipati ca 14, kampango ka 12.

*Mbobuti yebo mboowa kazwa kujulu, O Lucifa,  
mwana wa bucedo! ino wa tandwa buti ansi aa nyika,  
yebo wakompamya masi!*

Oyu ngu Isaya ka mubona mu cilengaano, mwabona, mu bukkalo buciza.

*Nkaambo wa kaamba mu moyo wako, Njo tanta ku  
julu, Njo sumpula cuuno cangu cabwami atala lya  
nyenyeezi zya Leza: Njo kkala akwalo aa mulundu wa  
mbunga, . . . mabazu ku nyika:*

<sup>102</sup> Bukanze bwa Saatani, kuzwa ku Edeni, bwakali bwa kulibambil Edeni; a kulisumpula mwini atala, kutegwa nyenyeezi zya Leza zika mu kombe, bana baka mukomba. Elyo wa kacicita nconzyo eno, alimwi cindi na kacita ceeci wa kacileta mu mbungano. Kwalo, Nse konjila mu kusakana.

Kufumbwa wanu uswiilila ku mateepu ulizi kujatikizya ncico. Eelyo—eelyo nde oora lini ndyo tuponamo, alimwi ngu Saatani waka cicita kwinda mu mabambe aalwiiyo, kweelela kabotu, kululamika *eci*, kululamika *eco*. Elyo kutali kuziba, ciindi conse, baleenda ncobeni kutozya mu lufu. Bakofwaazigwa, basololela boofu, basololi bakofwaazigwa iba masi, basololi bakofwaazigwa iba sayaansi, basololi boofu iba mbungano, boofu kabasolole bakofwaazigwa. Jesu wakati, “Amu baleke balikke, bonse bayo wida mu dindi.”

<sup>103</sup> Awa amubone cikozyanyo ca Maedeni obilo kakonzyanya loko antomwe, mane kutandila kucenga mbabonya Basale. Matayo 24:24 yakati kuyooba booboo. Pele Ndi yanda kuti twiime kwa kaindi kaniini a kuyeeya aya Maedeni obilo, a cintu comwe kapati, obo Bbaibbele mboli twaambila kuti Ijwi lya Leza lya kaleta eyo Edeni, alimwi obo Ijwi lya Leza mboli tucenjezya kuti Edeni imbi iya kusika.

<sup>104</sup> Lino, tu lizi akwalo kuti kweelede kuba Edeni imbi, ikuti na twa swiilila akwalo ku musinsimi, Paulo, mu Batesalonika Babili chipati ca 2. Nda konzya Kwi bala kuti na mula yanda.

Oyo uli sumpula mwini; obo *buzuba tabu kasiki*, bwa Mwami, kusikila *oyo muntu wa cibi aka yubununwe*, . . .

. . . oyo uukkala mu tempele lya Leza, kali sumpula *mwini atala lya zyonse zitegwa nzya Leza*, kutegwa walo mbuli Leza ula kombwa mbuli Leza.

<sup>105</sup> Amuciyeeye eco! Lino Isaya 14, musinsimi wa kati waka mubona “Lusifa, mu moyo wakwe,” kwiinda mu cilengaano kunsi lya bunanike bwa Leza, “kaamba kuti uyo cicita eco.” Muli Isaya, myaka ili myaanda ya lusele kataninga Paulo, na kutandila booboo.

<sup>106</sup> Lino awa, kwinde myaka ili myaanda ya lusele, Paulo waka mubona, kaboola ku busena bwakwe. Amubone, itonzya ku, Edeni yakwe; Edeni yakwe yasayaansi, a inyika yakwe yasayaansi, a mbungano ya nabwinga yasayaansi, kunsi lya i—i ijwi lya “luzibo,” maseminari mapati, madigrii mapati, mabambe alwiiyo.

<sup>107</sup> Swiilila, mukwesu, mucizi, umwi aumwi wesu uya kweendelela mu mugwagwa oyo Florence ngwa keendela. Nda kulomba, mu Zina lya Jesu, ko yeeya Ceeci. Uta yeeyi ndime. Ndili munyoko. Eco—eco tacili ncico. Koyeeya Ijwi Ndye kanana, lya Bbaibbele lya Leza. Elyo kulanga kwinda, cakulondoka kusimpikizigwa mu Ijwi lya Leza Mwini, mu bukkalo mbo tukkala mo, awo mpo tubebe.

<sup>108</sup> Aya mabambe nga sikulwanakristo cakumaninina, muli ngawo. Lino, weelede kuba a Edeni, wa kati uyo cicita. Ndeeli Ijwi lya Leza libombe kalyaamba kuti uyo cicita, alimwi mpaawa twa langa kabotu a ku mubona kacicita. Wa kacicita kubelesya bupampu nabwinga wakwe, wasayaansi, awa kabungwe. Uyo

pakamana, bumwi bwa mazuba aya, mu Kkanso Yanyika iya Mambungano eyo iya kubambwa. Boonse bayooba a nguwe.

<sup>109</sup> Kusoleka bantu, kutali kuti mbantu babbi; ba kasyangwa mu munkali utonkomene, mbuli mapopwe, pele Saatani wakamiza zizambaila, zitegwa sayaansi, kubbutukizya, Iwiiyo, madigrii abwyiyi. Ciindicimwi akwalo taba kakulekeli mu cikambaukilo citakuti wakonzya kutondezya digrii lya bwiyi lizwa ku seminar imwi kubusenabumwi. Konse takuluzi! Kutali bantu; alo mabambe ataluzi. Elyo lino cacita nzi? Zyonse zyalundana alubo, a kuleta inyika mboizulwa (kwinda mu cikama ca kutintanya, kupendula Mbuto ntaanzi ya Leza) ku lupyopyongano lumbi lwa mudima.

<sup>110</sup> Pele Ndili kkomene kapati kuti Leza ula tubikkila maanu alubo, cakuti inga Wa konzya kweenda atala lya ciimo. Wa kasyomezya kuti Uyo cicita, a kwiita katanga kaniini ako kayooba Nabwiinga Wakwe.

<sup>111</sup> Amubone awa alubo lino, obo mambungano aya mbwa tondezya cakulondoka, na aya Maedeni.

<sup>112</sup> Leza, kwinda mu Mbuto ya Ijwi Lyakwe! Alimwi kuli cintu comwe luzutu cikonzya kupononosya Ijwi, nkabela oyo Muuya, nkambo Ngu Sikupa Buumi ku Ijwi. Elyo cindi Buumi mu Ijwi bwa swaana Buumi bwa Muuya, Bu leta kufumbwa obo Mbuto mboibede.

<sup>113</sup> Lino amubone caka citika. Mu muunda wa Edeni kwakali lukono lwa Leza lwata kajisi kaambo, alimwi kwakali bumwi bwa i—i mabanze. I bubanze butaanzi bwakanyina kaambo, bantu tiiba kazyi cibi. Tiiba kazyi cili conse kujatikizya cibi. Balo Adamu a Eva bakali cinswe, pele bakali sisa kuzwa ku cinswe cabو, kwinda ku civumbyo ca muuya kumeso abo. Tiiba kazyi kuti bakali cinswe, pee, nkaambo bakali sisidwe. Nkambo, civumbyo ca Leza cakali ku mizeeo yabo, tiiba kazyi obo ciluleme acita luleme mbo zyakabede. Elyo ba kaliimwi kabali cinswe, katondezya kuti luzibo teelwa kalina boola kuli mbabo, mwabona, kuteeti bakali cinswe. Bobilo bakali cinswe nkabela tiiba kacizyi.

<sup>114</sup> Lino ikuti na mwavununa, ikuti na mulayanda, na kululemba, ku Ciybunuzyo, chipati ca 3. I Muuya Uusalala kawaamba kunembo ku bukkalo obu bwamamanino, ku Bukkalo bwa Mbungano ya Pentekoste mu Laodikeya ku mazuba akumamanino, Wa kati, “Yebo uli cinswe, a moofu, nkabela to cizyi.”

<sup>115</sup> Njeeyo Mbuto ya Leza, kundi lya kubula kaambo, kuta ziba pe kuti bakali cinswe, kundi lya civumbyo ca Muuya Uusalala, kacibavumba kuzwa ku cibi.

<sup>116</sup> Elyo eno mu bukkalo bwamamanino, tula jana awa kuti bali cinswe alubo, nkabela taba cizyi. Pele tacili civumbyo ca Muuya Uusalala. Calo ncivumbyo eco Saatani ncaka sobelela kuvumba

Eva kaindi okuya, civumbyo ca cisusi, civumbyo ca cisusi. bali sofweede loko cakuti tabazi kuti bali cinswe, banakazi besu mu tugwagwa, kabasamide zigonkolole, madresi aabwaamu.

<sup>117</sup> Umwi wakandi tumina kabeela mu mutende buzuba bumwi, ka leeli dresi ipya ndyobaya kusama, Ndi yeeya kuti, mainci ali kkumi aone kuzwa ku tusolo, na cintucimwi. Elyo Nda libuzya ikuti na besu—ikuti na bantu besu banakazi balaziba kuti eco ncivumbyo ca cisusi?

<sup>118</sup> Lino nywebo—nywebo mwati, “Nda konzya kutondezya, kumbele lya Leza, kuti Nse jisi kaambo akamwi ka bumambi ku mulumi wangu, na Ndi—Ndi...conse eci.”

<sup>119</sup> Pele nekuba, ku Lubeta, uyo tegwa mwanakazi “simamambe.” I Bbaibbele lya kaamba boobo. Jesu wakati, “Kufumbwa oyo uulanga mwanakazi caku musukama, wacita kale mamambi mu moyo wakwe.”

<sup>120</sup> “Boofu, basicinswe, nkabela taba cizyi!” Kutali balo banakazi bacete baniini kubusena okuya; taakwe cintu Nce balwana. Mboobo bubi! Alimwi ciyanza ca mbungano ciboneka kukakilwa kucibona akwiima kucilwana; ku balekela kugela masusu abo, kunana misila, a zigonkolole a zintu, kunsi lya zina lya Bunakristo. Ino ncintu ciyoosya loko cili obo! Mwabona, balaa cinswe alubo, mu Edeni ya Saatani, nkabela akuta ciziba. Taba cizi pe.

<sup>121</sup> Nda syoma Nda bona, antela, kulanga atala awa, ciziba cakusambila, abo banakazi okuya lino. Ikuti na oyo mwanakazi waziba biyo eco ncali mukucita, pele ta cizyi. Uli cinswe. Mibili wakwe ulisetekene. Ula samununa zisani ezyo Leza nzya kamusamika, a lukanda, ku nzyalani eyi. Ula zumanana ku cifwiimpya. Uli cinswe, kunsi lya ijwi lya “lusumpuko, lwiiyo lwaatala, lusumpuko lubotu, milao yakulilemeka yaatala.” Andibe masimpe kuti eci camvugwa kusakana. Koonse nkwa dyabulosi, alimwi kuyo nyonyoonwa ku Kuboola kwa Mwami Jesu. Kuyo nyonyoonwa, konse kwa nkuko. Takukabi cintu comwe ciyo syaala.

<sup>122</sup> Elyo, oh, mweenzuma, konse ku cisi, mbuli mbo swiilila kuli ndime okuno mu Phoenix, koyeeya zintu ezyo! Uli waano kweendelezegwa kuli nzizyo. Lino, Jesu wakati, “Bayo cenga Basale ikuti kula konzeka.”

<sup>123</sup> I muuya mutaanzi wakali...civumbyo citaanzi cakali civumbyo cisalala, Muuya Uusalala, alimwi ta keelede kupakamanina Eco. Pele cindi—cindi Saatani naka talika kwaambaula kuli nguwe kujatikizya luzibo, waa kacita kusondela buyo aniini ku inyika.

<sup>124</sup> Alimwi mbo mbubo ncobeni ku mwana wakwe musimbi, mbungano, ncoya cita. We elede kubona, we elede kusama mbuli simisobano wamu zipekupeku, na baalumi bakibusyi beeleder

kulilemeka mbuli Elvis Presley na—na Pat Boone, na—na bamwi bantu aba, kundi lya zina lya bukombi.

<sup>125</sup> Pat Boone ngwa Mbungano ya Kristo. Elvis Presley ngwa Pentekoste. Basyakacite bobilo bakanjilwa madaimona bawaala inyika mu lupyopyongano lwiindide kwinda Judasi Isikariote mbwa kacita ku kwaaba Jesu Kristo. Taba cizyi. Balo balombe taba cizyi. Taakwe cintu Nce lwana abo—abo balombe, baalumi, walo muuya ucitya ceeco.

<sup>126</sup> Kotaamuka buyo ku lubazu olo lumbi, akulekela eco cintu cizambaila kuti cijate buyo lomwe kuzambaila cikwa ca cipopwe eco, ciindi comwe, amulange eco cicitika; cipopwe canyonyooka. Oh, inzya, caka mujata. Alimwi eyo ne nzila mbo ciya kucicita. Ciyo cicita ciindi conse. Eva waka cita kusondela buyo lomwe ku inyika.

<sup>127</sup> Elyo andaambe cintucimwi kuli nduwe, mukwesu a mucizi. Muli Johane Mutaanzi, chipati ca 2 a kampango ka 15, inga twa Ci bala ikuti na ulayanda, Bbaibbele lilati:

... *Ikuti na twa yanda inyika*, na zintu zya inyika,  
nkaambo kakuti *luyandisyo lwa Leza taluko* nomuba  
*muli ndiswe*.

<sup>128</sup> Lino, bbala alya taili *nyika*; ndi bbala lya Cigriki, ngu *kosimosi*, lyaamba kuti “bubambe bwa inyika.” Ikuti na twa yanda mafashioni a nyika, inyika, ikuti na tu yanda bweende bwa buzuba, ikuti na tu yeeya kuti, “eci nciidi cibotu loko, oh, tuli jisi zintu zyonse,” ikuti na muyeeya booboo, nkaambo kakuti muyeeya cakulubila. Ya kapendulwa a dyabulosi. “Nkambo ikuti na muyanda bubambe bwa inyika, a zintu ziliko zya inyika eyi, nkaambo kakuti luyandisyo lwa Leza talumo nomuba muli ndinywe.” Amuciyeeye eco. O Leza! Amubone nco tulanga mukati!

<sup>129</sup> Awa Ndi yanda kwiimikila aniini buyo a kumwaambilikaano kaniini. Nda kamvwa mupaizi wakazwa ku Lumamba Lutaanzi Lwanyika. Ba kawaalide...

<sup>130</sup> Mbuli Saatani ku matalikilo, cindi na kasika mu muunda wa Edeni. Ta kakonzya kufumbulula eyo Mbuto. Ta kakonzya ku zinyonyoona. Pele wa kazifwfawaza musamu ukola, nkabela wakalemanya Mbuto, teeya kazyala musyobo wayo ululeme. Wa kalemanya Mbuto ntaanzi.

<sup>131</sup> Elyo mbwabede oonse aya mabambe aa bukombi. Ba cili bana balombe a basimbi iba Leza, pele bali mukuminama. Bala unka ku mbungano, bayanda kucita ciluleme. Walo siite tanjili kukkanla mu busiite kukuba mwanakazi silunya alunyemo. Ii mukutausi taindi mu cikolo kuba buyo ii—ii—ii muntu mubi. To sangani mbungano, akusukana maanza, akubikka zina lyako mu bbuku, na kufumbwa nco cita mu mbungano yako, kukuba muntu mubi. Ula cicita eco kuti ube muntu mubotu. Pele inducengo, nku minama kucita ceeco. Saatani wakai fwafwaza.

Mwabona? Leza taakwe naka jisi kabunga. Takukwe cintu eco ali onse cijanwa mu Majwi aa Leza.

<sup>132</sup> Leza nkabunga kesu, twa kabunganisigwa muli Nguwe, Mubili, muli Leza, ku Julu. Mbo mbubo. Mazina esu ali mu Bbuku lyu Buumi ilya Kabelele. Amubone.

<sup>133</sup> Pele, mwabona, Ndi lizi nciumu kapati, pele Ndi—Ndi yanda kuti mundi kkazikile camba asyoonto ikuti na mula cita. Mu ciindi ca lumamba lwanyika... Mundi jatile kuzwa ku ciiyo cangu.

<sup>134</sup> Pele kubamba buyo kaambo aka, Ndali—Ndili kuyanda kumupa kulangalanga kwangu kuli ceeco Saatani nca kacita mu Edeni: waka fwafwaza musamu ukola. Sa inga mwayanda kuziba oko kufwfawaza mbo kwaabede? Inga nda mwaambila. Ndi jisi fomyula wa nguwo, mabala obilo: kutasyoma, oko kwiimpene ku lusyomo, wakafwfawaza kutasyoma, kuzumbaauzya. Alimwi sayaansi yakazula busena bwayo. Awo ali cipako, mpa kanjila Mbuto, Saatani waka zuzya eco cipako a luzibo a sayaansi alusumpuko, nkabela waka lemanya bulenge, bwa Leza boonse.

<sup>135</sup> Ndi lizi muyeeya kuti Ndiya busika ku ntabi, pele Ndili a ntabi andinywe. Alimwi tonse tuli waano kusola kujana eco nco tukonzya kucita. Ta twaambi zintu ezyo kuba baimpene. Twe elede kusyomeka.

<sup>136</sup> Swebo, aumwi, kuyo selemukila ku mamanino a mugwagwa, oko nko tuya kupeda bwiinguzi ku ijwi lyoonse. Ndyoonya lino, tu lizi kuti majwi esu... Cindi twa zyalwa, kulila kwesu kutaanzi konse kwiinka mu teepu. Iya kulizigwa alimwi ku Buzuba bwa Lubeta. Noziba zisani nzosama ziyo tondezegwa kumeso ako, ku Buzuba bwa Lubeta. Noiba sayaansi ya kacijana eco, ku televizhioni. Mwabona televizhioni taipangi zifwanikiso, iziinzya buyo mukati. I mubala wa zisani, ciindi conse wenda, yonse miyeeyo mu mizeezyo yako, ila bambwa ncobeni mu rekkodi ya Leza. Alimwi eco cintu cipati ciyo bikkwa nkoonya kumbele lyako, onse madresi abusofwi ngo kasama; ciindi conse wainka ku buyake bwaku gelelwa, kugela ayo masusu Leza nga kakupa. Aya kuba. Uya kwaapeda bwiinguzi. To konzyi kuputa mpoonya alya, ayalo miyeeyo ya moyo wako kuciindi nocicita, iyo lizigwa nkoonya kumbele lyako. Uya kuloboka buti? “Tuya kuloboka buti ikuti na twa unduluzya lufutulo lupati boobu?” Mwabona? Ta tuka loboki. Kweenda konse, a miyeeyo ya moyo, ili lembedwe moonya mu cilao cimbi, auba mubala wa zisani nzosama. Televizhioni, televizhion ya mibala ila citondezya ncobeni, aku cisomona akucitondezya, mwabona, alimwi omo mu cilao comwe buyo kuzwa kuli zyotatwe nzyo tuponena mo. Mwabona?

<sup>137</sup> Lino obo musamu ukola mbo wakauma mbungano, wakauma nyika! Musamu ukola wa Saatani aa Mbuto, wabikka

zipako muli njiyo akwiiciya kuminama. Kunji a kunji, ula bbizya loko mu myoyo ya mambunngano, a mu myoyo ya bantu a zintuzyonse, sayaansi, sayaansi. Kusikila bwaba busena awo mukowa wabantu, muku tintanisigwa kwaakati... Ndi syoma kuti mbuto yonse yeelede kuzyala musyobo wayo. Elyo mukowa wabantu, a zisamu, a zyoonse kazitintanisigwa aakati, zyatu leta ku busena; mu kulya zyakulya zyesu kuzwa ku nyika, yalo, mibili yesu, ya tintanisigwa, ya bikkwa mizeeo yesu yoonse... Lino, ikuti na mibili yesu ya yabaala, kuzwa ku myaka yakukomena ili makumi obilo kusikaku makumi obilo ayosanwe, nkaambo ka maseelo ayabaala, kuli zyakulya zyakatintanisigwa, sena boongo bwesu tabuyabaali? Sa taali maseelo ayo, alo? Nke kaambo Ricky ula zuza mu kagwagwa awa, kajisi cibulo eci cipy; kuciindi Ricketta, Elvitta, abunji bwabo, mbuli mbo tunga twaita zina, awa batasamide kumaninina kumbele lya bantu, kuyeeya kwakanyongana, taacikwe limbi muzeeo wakubatama a kulilemeka kabotu.

<sup>138</sup> Ku kaano kangu kaniini. Oyo mupaizi wakati wa kali mu cibbadela, akuti kuli balombe banji loko balede mu tente, bamwi... Wa kazwa kusika kuzwa anze. Wa kati wa kaunka okuya, elyo silutwe umwi wa kamwaambil, kuti, "Mupaizi, tu yanda kweenzya, kuyo bona myuunda okuya." Ba kawaalide oyu mustada a gaasi ya klolini, mbuli mbo bakali kucita mazuba ayo.

<sup>139</sup> Elyo, wakati, "Nda kasika okuya, Mukwesu Branham," wakati, "kwakanyina cikwa aa cisamu, kwaanyina itu lya bwizu. Cakali ciindi ca kuseeni lya Pasika." Wa kati, "Kwakali myootokala yamu nkondo yakaindi yakapocaukide okuya, silutwe wa kabweza bulunguluzi bwa njiyo, akubona ikuti na kwakali cimwi cakali kunga cacitwa kuli njiyo, munsi lya eyo Argonne Forest mpati." Kati, "Cindi Ne kaimvwi alya endikke," kati, "Nda kalungumana, kati, 'O Leza, eyi nje nzila coonse mbo ciboola.'" Mbu mbubo, coonse cilaboola. Coonse cakapya, taakwe buumi ali onse pe, bwizu bwakapy; samu, ku magaasi, masamu akajaigwa, zintuzyonse zya kajaigwa, kutyolaulwa, kazilengelela, awo misyonga a zintu muzya kaidonkaula.

<sup>140</sup> Ikuti na eco tacili cifwanikiso ca inyika sunu, oko Saatani nkwa fwafwaza kutasyoma kwakwe, kutintanya kwakwe, sayaansi yakwe, luzibo lwakwe! Kusikila, mbo cakabede ku matalikilo, cindi Leza naka bikka Adamu a Eva mu muunda, eyo paradaiso mboto kiitakwe lufu, kiitakwe kuciswa, kiitakwe buusu, alimwi zintuzyonse zyakali londokede mu ncililano, amulange eyo DDT ya Saatani ncoya cita! Ili mu lupyopyongan. Taakwe cintu cisyeede muli njiyo.

<sup>141</sup> Wa kati, "Nda katalika kulila. Nda kajoka, Nda keebelezegwa mwaala." Kati, "Nda kainka buyo okuya akulanga mwaala, kau tonta. Kunsi lya mwaala kwakali duba liniini lyakali kukomena, cintu cilikke buyo caka syeede, nkaambo lya kavumbilidwe mwaala."

<sup>142</sup> Leza, Mwaala wangu, kotu kwabilila sunu, O Leza, cindi ezi zikola nozyuuluka konse mu zina lya sayaansi a lwiyo. Kotu kwabilila. Kondi bamba kusikila ku buzuba obo, O Leza, ngo mupailo wangu. Lino Ndi syoma kuti swebo, umwi aumwi, tuli kunsi lya Mwaala oyo, Kristo.

<sup>143</sup> Nda kazwaa kukambauka buzuba bumwi, bunji bwanu mwa kuumvwa. Nda kali kuya buselemuka mu zisaka, kuya buvwima, elyo Nda kakwelelezegwa kunyona. Elyo Nda kalanga, elyo mpaawo kwakali cikkatoni na cipakete camisanga ya tombwe cataka jisi cintu mukati, na obo mbo muciita. Elyo ni kkampani, Nse limvwi kuti Nde elede kwiita mazina abo, pele kkampani ya tombwe yaka jisi . . . ba jisi kaambyo, “Ii kasembyo ka muntu musongo, kubotelwa kufweba kwa muntu.”

<sup>144</sup> Nda katalika kuselemuka aniini mu ii—ii zisaka, nkabela Cintucimwi cakandi kwelelezya, “Kojokela ku cipakete eco catombwe.”

<sup>145</sup> Nda kayeeya, “Taata Wakujulu, Ndiya buselemuka ku samu elyo oko basikaale abo bakaambwa kubako kwinda kuli Nduwe, cifumo cimwi. Nkaambonzi Nco ndiita alimwi?”

<sup>146</sup> Elyo Cintucimwi cakati, “We elede kujana nkambauko ya Munsono muboola. Cibalo cako cili lembewe ali ncico.”

Nda kayeeya, “Aa cipakete catombwe?” Nda kajoka.

<sup>147</sup> Elyo Nda katalika kuyeeya, “I kasemyo ka muntu musongo,” ino olo nducengo buya! Ikuti na muntu wa kali muntu musongo, na takafweba pee. Pele, nywebo mwabona, bantu bala cizumina eco.

<sup>148</sup> Ndila syoma yakali myeezi yobilo yakainda, cindi Ne kali muli umwi wa miswaangano ya baiminizi, Nda kainka kutala ku meebebe a inyika yonse cindi nakali ku Nkomwe ya Kumbo. Elyo baka jisi filimu ya Yul Brynner a bunji bwazyo okuya. Elyo bana sayaansi, bunji bwabo, wakali mu hoolo ndilyonya, kujatikizya ntenda ya kufweba. Obo mbo bakasomona busi obo atala abbwe, a kubweza Kasamu kaniini kajisi buntonje akubweza nikotini kuzwa awo akuubikka kusule lya mbeba, a kwiibikka mu cizangala, kwa mazuba ali ciloba ya kazwide kkulenge maningi cakuti tii yakakonzya akwalo kweenda. Mwabona? Wa kati . . . Kaikwela kwinda mu maanzi.

Kati, “Kasebyo!”

<sup>149</sup> Kati, “Kasebyo? Takukwe cintu cili boobo.” Kati, “Yebo . . .” Lino, eyi ngu sayaansi lwayo. Ba kati, “To konzyi kufweba kakutakwe kujana itwe. Itwe lipanga busi.”

<sup>150</sup> Alimwi cintu cilikke nca kuti, nkooze kakusambala misanga minji ya tombwe, cindi eco . . . Ikuti . . . Nse langili kuti muyeeya kuteeti Ndili sikusanka cisetekene na sikwiindilizya. Oyo dyabolosi mu muntu, eco cimucitya kufweba, cakuli jaya mwini. Cindi na—na yanda nikotini wa musanga omwe, oyo uya kupa

kuyandisya kwakwe, eno kkampani ya vuuluka a kooze aka kakucenga, akuti, "Ii kasebyo ka muntu musongo." Uyo yandika kufweba misanga yone na yosanwe, kupanga itwe linji muli nduwe (kukukkutya nduwe) mbuli mbo kacita kuli omwe. Bana America kabasambala lufu kuli babunyina a bacizi babo! Nse cimvwisyi.

<sup>151</sup> Pele nekubabobo, omuya, Nda kayeeya, "Nkaako Kasebyo ka muntu musongo kaluleme."

<sup>152</sup> Lino, ikuti na muntu wali kufweba, amuyeeye, kuleta kubotelwa kwa muntu ufweba. Mpawo, ikuti na to konzyi kuba a ku...kuzula kuyandisya kwa busi kusikila wafweba okuya, yebo ujana...kweelede kuleta kuyandisya, aboobo, wafweba misanga yatombwe yone, na yosanwe, akubbade la njiyo kwiinda mbo konzya, wa fweba buyo omwe musanga mbuli Lyonse. Mwabona, kalo nkooze, nkooze kakusambala; kucenga bantu, bana America. Cindi Nda yeeya Valley Forge, George Washington; a bunji bwa bamasoja bakwe, alimwi kaba tasamide mabbusu ku matende, aa buzuba obo butontola, ku kutubamba lubono mbuli mbo tubede! Elyo mpawo bana America basambala bana America, munyina a mucizi wakwe, lufu, kunsi lya kooze ka bubeji, nkambo ka lubono lutusalali, muyanda wa bubi onse. I nyota ya mali, luyando. I cintu conse cili nyongene, kuta ziba kuti eco cintu conse ciyo loba! Pele ikuti na tojani busi, to konzyi kuba a kubotelwa.

<sup>153</sup> Mpawo Nda kayeeya, "Nkaako Kasebyo ka muntu musongo." Ii Kasebyo ka muntu musongo! Elyo Nda kabweza cibalo cangu kuzwa ku "Ii Kasebyo ka muntu musongo kaleta kubotelwa kwa muntu uusalala."

<sup>154</sup> Aboobo Nda kayeeya kuti tubungwe twesu twa kacita cintu conse mbuli ceeco, kunjizya bantu akuliita beni kuti Banakristo omo munzila ili yoonse. Nkaambonzi? Bala vula mu kabungwe na tubunga twabo. Tu njizya banji omuya nkaambo tu balekela kunjila kunsi lya *ceeci*, *eco*, alimwi *cimbi*, a cili conse. "Eco tacibambi lwandaano lumwi, kutegwaa buyo babikke mazina abo mu bbuku a kwaamba kuti Mbanakristo. Kwa mana. Oh, 'ku lusyomo mwa kafutuka.' Mweelede kusyoma." I dyabolosi ulacita cintu nciconya. Inzya.

<sup>155</sup> We elede kuzyalululwa, alimwi oko kuboola kwinda mu Kasebyo ka Leza! Lino nkaako Kasebyo ka muntu musongo. Ndili Ka jisi mu janza lyangu. Nse kaleti kubotelwa kwakabungwe, pele Kayo kkutya kubotelwa ncobeni kwa muntu uusalala, nywebo mulizi.

<sup>156</sup> Mbobuti mwanakazi uugeledwe masusu mbwa konzya kusola kwiinda mu Kasebyo aka? Mbobuti mwanakazi usamide cigonkolole mbwa konzya kusola kwinda muli Nkako, na bulukwe, kakuli Bbaibbele lilati, "Calo ncisesemyo kuli Leza, ku mwanakazi uusama cisani eco acalo ca mwaalumi"? Elyo

mbobuti mwaalumi mbwa konzya kuyeeya cili conse kuli lwakwe, kusikaawa akusama mbuli banakazi, kulekela masusu akwe kulampa mbuli a mwanakazi, ansi ku meso akwe, a zikuti, a zipesedwe mbuli *obo*? Walo usamide cisani cakunsi ca mukaintu wakwe. Walo usamide zisani zyakwe zyaanze. Ii kasebyo ka muntu musongo? Ii mwaalumi musongo taka citi ceeco, na mwanakazi musongo ta kaciciti. Ijwi lya Leza tali kaclekeli kwiinda omuya.

<sup>157</sup> Takukwe cintu comwe cikonzya kwiinda mu Ijwi eelyo. Oyo Muuya Uusalala, alimwi Uleta Ijwi muli Nduwe, alimwi Uleta kubotelwa kwa muntu uusalala.

<sup>158</sup> Amulange sunu, Ricketta mu kagwagwa, bupange, bwheebe ka kabotu Leza mbwa kamupa nkabela Saatani kabu belesya. Elyo uya kusama cabwaamu loko, mukuta ziba kuti mvwiki kuzwa sunu ndiza unobola mu cuumbwe.

<sup>159</sup> Nkeselemuka mu kagwagwa okuno kutali ciindi cilamfu cainda. Nda kali kukambauka ku muswaangano wabaiminizi mu Assemblisi ya Leza okuya ku Nkomwe ya Kumbo, mu muswaangano okuya ku Southwestern Bible School. Ii mulindu wakali kweenda mu mugwagwa, ziniini... zisani ziniini nzya kasamide, kakusamba, kufumbwa mbomukaita, a maleesi kalengelela, a ngowani ya simbizi mweembezi a majombo. Nda kali kuya butanta mugwagwa. Nda kayeeya, "Muntu muniini mucete, mwana wa taata a baama, waka bikkwa waano kuba mwanamusimbi iwa Leza, nkabela waba kakole ka namola wa dyabulosi." Nda kayeeya, "Nda syoma Njo nyona akujoka, akwaambila mwana ulya." Waa kali kuboneka kuba utandila ku musela wa Sarah wangu ulya, myaka ili kkumi aciloba, myaka ili kkumi acisambomwe yakukomena, na cimwi. Nda kayeeya, "Peepe, Ncibotu ntaciti. Ndila tanta buyo awa aamugwagwa a kumu kombela. Inga muntuumwi wandibona kwiimikila akwaambaula kuli nguwe, Ncibotu ndita ciciti."

<sup>160</sup> Lino, amuswiilile, nobana ba Leza, mwa njila mu busena obo mbubonya, aba ba Jezebele baciindi ecino bamu sobanina, pele muntu musongo uya kuyeeya lutaanzi. Inga kali mubotu loko, nga kwaba, "Inga ndaba mulongwe kuli nguwe," pele ciyo kutolela buntu bwako, mulombe; nobamwi basimbi, kuli aba ba Ricky! Kasebyo ka muntu musongo kaleta kubotelwa kwa muntu uusalala.

<sup>161</sup> Nywebo nobamaalumi bakwete, cindi mwaba bona banakazi mu tugwagwa mbuli booboo, muli bana ba Leza, sa tamuzi eco caka citika ku matalikilo lutaanzi? Cindi sayaansi niya kabamba banakazi kubota loko mu inyika ya zambangulwe, kusikila bana ba Leza bakabweza bana basimbi ba bantu (kutali banabasimbi iba Leza), nkabela Leza taka ciluba. Ba kanyonyoona cintu conse; sayaansi, kubotesya. Ca kali kuba... Mwa bona bwheebe bwa banakazi kabusumpuka ku mazuba

akumamanino, ncitondezyo camamanino; Leza wacitondezya. Aboobo, belesya Kasebyo ka muntu musongo, uya kujana kubotelwa kwa muntu uusalala. Ciyo kutolela muunzi wako. Ciyo kutolela busena bwako. Ciyo kutolela zintuzyonse nzo jisi; kunze lya ceeco, buntu bwako! Ciyo mwaya muunzi wako. Kwayanda kuyo lekela mwaalumi umbi kukomezya bana bako, na mwanakazi umbi kukomezya bana bako.

<sup>162</sup> Bweza Kasebyo ka muntu musongo, kayo leta kubotelwa kwa mwanakazi uusalala. Cindi watalika kuya ku buyake bwakugelelwa masusu, na cintcumwi cimbi, nkabela ba kwaambila cuti, "Uya kuciswa mutwe, nywebo mulizi." Bweza Kasebyo ka muntu musongo, eco Bbaibbele ncolya kaamba, wabona, mpawo kuzwa kuli nkako. Wabona? Uta cicit.

<sup>163</sup> Ndili munyoko, nkabela Ndila tuyanda. Taakwe cintu Nce lwana ndinywe. Leza ulizi. Alimwi eco ncecindi bamba kwaamba zintu Nze cita, nkaambo ka-ka luyandisylo lwa Leza kuli ndinywe. Ikuti na muntu waunka okuya nkabela taba kakwaambili, mweembeli wanu umulekela kukkala buyo akulilemeka booboo, ta tuyandi pe. Ta konzyi ku tuyanda. Inga nseyanda oyo musyobo wa luyandisylo lwa banakazi. Ndi yanda kuba a kubotelwa kusalala kwa mucizi wangu. Ndi yanda cuti abe mucizi wangu ncobeni. Taakwe muntuumwi ukonzya cuti, muntuumwi wambaula makani a nguwe kuba mubotu loko a nzila mbwa kabede, abaabo banamalelo bankwela, "Ula unka kuli bangu . . ." Huh-uh. Peepe. Ndi yanda cuti abe mulindu!

<sup>164</sup> O Mwami, kondi bamba kunsi lya Mwaala. Iiyi. Mu Baefeso 5:26, nzila yomwe biyo njo konzya kuzwidilila ku Mwaala oyo, nkuti, "Wakasanzigwa a maanzi akusalazya kwinda ku Ijwi." Mbo mbubo.

<sup>165</sup> Lino, uta lekeli oyo dyabulosi ku kufwafwaza lwiyo lwakwe. Peepe, peepe. Kuyo jaya koongelezya kwako. Uta lekeli dyabulosi kubweza ceeco, "Ee, Ndi zulilwa ku mbungano eyo baama nkobakali kuzulilwa, eyo bataata, banene." Uta lekeli dyabulosi ku kufwafwaza ceeco. I Bbaibbele lya kaamba kale cuti, ku Makkalo Aambungano ali Ciloba, a zintu okuya, zyonse zya kainka kuba mbuto! Mbo mbubo. I cintu conse cili potene. I cintu conse ncilondo ciasama. Uta mulekeli ku kufwafwaza, kuteeti, "Ee, yali milao yaatala ya kupona. Tuli yiide kwinda mbo twa kabede mazuba akainda." Uta lekeli dyabulosi ku bikka ceeco ali nduwe. Nda mutondezya mabambe akwe onse a lusumpuko, lwiyo a sayaansi. Wa aleta moonya mu mbungano, nkabela muta swiilili ceeco. Amu tantamune mitwe yanu ya matelevizhioni akaindi atombe a zintu!

<sup>166</sup> Elyo cibalo cesu caamba cuti, "Muta kozyanisigwi, pele amu sandulwe." Kutali kunjila akuti, "Nda kakozyanisigwa, Munondo." Peepe. Koya mukati ukasandulwe ndyoonya lino,

usandulwe kuzwa nko kabede, kuli ceeco Leza nca yanda kuti ube.

<sup>167</sup> Lino, ciyaamina ku musyobo wa mbuto uli muli nduwe. Ikuti na mbuto, yalwiiyo, yabupampu yaka bikkwa muli nduwe, kuli biyo cintu comwe ncoi konzya kucita, ku kulemanya, kwa mana, ku mwana mulombe na musimbi iwa Leza. Ncintu buyo ncoi konzya kucita. Bantu sunu, mbuli Mbwe kalanga, ba lilemeku mbuli taba syomi nokuba kuti kuli Leza.

<sup>168</sup> Mundi jatile ku bwaambe obu. Ikuti na kulimvwa kwa umwi kwa nyonganisiga kuli ceece, Nse cikanzila. Ii mbali ya Musondonda yainda Nda katambwa, ku mwana wangu musimbi, kuboola ku televizhion a kweebela kwiimba kwabukombi. Mwakali Munsondo kuseeni. Nda kali kuyanda kumvwa Oral Roberts aa bubambe bwakwe, Nda kabaambila kundi zibya. Wakati, "Wa ndimvwa, eci nciimbo cipati kacilila." Muzukulu wangu mulombe kaimvwi alya, waka ndaambila makani aco, awalo. Elyo Nda kaya . . .

<sup>169</sup> Tu lenting'a ku mwanakazi oyo ujisi televizhioni mu ng'anda yakwe. Nseno kanza kuba a yomwe mu ng'anda yangu. Peepe, munene. Nse ciyandi cintu eco mu ng'anda yangu. Inga ndacidubula kubellesya shotigani. Nse yandi cintu cakucita a cintu eco cibbi. Peepe, munene! Pele kabweza ii . . .

<sup>170</sup> Andi mwaambile kujatikizya ndinywe nobana Arizona awa. Mwa kabona kulangalanga oko buzuba bumwi, kwa zikolo, embo na? Eite peseenti ya bana mu zikolo zyamu Arizona baciswa kubulizya kuli zyakuyeeya, sikisite seveni peseenti yabo kwakali kwinda ku kulanga televizhoni. Ino kujatikizya ceeco?

<sup>171</sup> Ncibotu noka belesya shotigani yako! Wabona? Lino talekeli dyabolosi kuti akufwafwaze kubelesya ceeco. Peepe, munene. Lino bantu, mbuli Mbwe kaamba, bantu balilemeku mbuli kuti taba keeleli kusika ku Lubeta.

<sup>172</sup> Aba balombe a basimbi, ba kajisi mukwasyi wabana India, a zintu zyonse zinji. Ndi yeeya mulombwana wakafulidwe kuti Ba. Pool mbe beendelezya ncico. Elyo ikuti na Nda kasola kusabula kwasunu kwa muziimbo, yakali nzila mbo baka cilanganya; cikama caba Ricky kabaimvwi alya, kaba zungaanya mitwe yabo atala ansi.

<sup>173</sup> Nda mulumba ncobeni oyo mwaalumi mukubusyi okuno kuseeni, wa imba, kabobeka kabotu, mbuli mwaalumi wini. Nda—Nda ciyanda eco. Cindi nywebo—nywebo nobasimakwebo ciindicimwi okuno mubweze cikama caba Ricky aba kwiimikila awa, akuwaala mu mubalo a koongolola, akuzumanan, akujatilila kuyoya kwabo kusikila baba bbulu kumeso; nkabela oko takuli kwiimba, oko nkupanga buyo coongo cinji casayaansi. *Kwiimba* nkwa "malelebu azwa ku moyo."

<sup>174</sup> Elyo Nda kayeeya, "Ino nkuusa! Ino mause buya! Aboobo nzila kunsi lya zina lya bukombi, balilemeku mbuli kuti takukwe

Leza!” Umwi wakati, buzuba bumwi, ku mulombe oyo usobana a mwana wangu musimbi. Ii mulombe Munakristo, kapa kwaamba kwa busongo kujatikizya Adamu a Eva, kati, “Eva kwinda mu muunda. Kati, ‘Nobana, sa mwa libona samu alya?’ Kati, ‘Nko nkuko banyoko nkoba tusaninina kuzwa ku ng’anda a muunzi.’” Inga wayeeylela, weeblede kuba Munakristo uusiniziye ncobeni, unga wabweza cisyomezyo a Ijwi lya Leza aku cisowela mu ciba ca ngulube! Ba lilemeka mbuli kuti taba keeleli kusika ku Lubeta. Pele Leza uyo leta maseseke onse mu Lubeta. Ba lilemeka mbuli kuti takukwe Leza.

<sup>175</sup> Nse yandi kubaita kuti mbaufubafuba, nkaambo Bbaibbele lyakati bafubafuba...tali kabotu. Jesu wakati tacili ncico. “Muta iti muntu kuti mufubafuba.” Pele mu Ntembauzyo 14:1, “I mufubafuba wakaamba mu moyo wakwe kuti, ‘Kwiina Leza.’” Mwabona? Taba—taba li...Nse yandi kubaita kuti mbaufubafuba, pele balilemeka mbuli kuti mbobabede. Bali lemeka mbuli mbabo.

<sup>176</sup> Aboobo, mwabona awo mpo tubede sunu, mbuli kuti “Kwiina Leza.” “Ndi zulilwa ku mbungano!” Elyo balo bonse, cintu conse, Bbaibbele, nkudana kupati. “Mbungano yesu ilizi oko nko tuyu!” Inzya...[Kabeela katakwcinctuu aa teepu—Mul.]...nkoonya kutozya ku gehena, mbombubo. Moonya mu lweendo lwabo, moonya muciindi ca sayaansi a lwiiyo, maseminari aalwiiyo lwabukombi a zintu, kuba botelezya buyo moonya mu mugwagwa. I Muuya Uusalala ta ujisi ciindi cakupa ciyubunuzyo atakwe kaambo; seminari yaka cikosola.

<sup>177</sup> I Muuya Uusalala ngwa ku tusololela; kutali seminari, kutali mabbishopu a balinguzi bakonse, abamwi bambi. I Muuya Uusalala Musololi wesu.

<sup>178</sup> Kaini wakali muntu mbuli obo. Wa kali mukombi loko mu ncito. Lino, ikuti na bukombi nku konse nko tweeblede kuba ako, nkokuti Leza taka luleme kupa Kaini mulandu. Nkaambo, wa kali mukombi, wa kali mukombi a wakasiniziye buya mbuli Abela mbwa kabede. Lino amuyeyeye, wa kayeeya zya Leza, wa kamukomba Leza, wa kali jisi mbungano, wa kayaka cipaililo, wa kacita cituuzyo, wa apaila, wa kakomba, pele waakakwa. Takukwe makani obo...Esau wakali obo, awalo. Mwabona?

<sup>179</sup> Bukombi, mwabona, oyo mulimo wa Saatani; kutali kujaya cintu conse, pele kucisofwaazya buyo. Kwa mana. Ta kacijayi cintu conse. Oh, kutali bana kkomunizimu; peepe, peepe, sikulwanakristo tali kkomunizimu. I Bbaibbele lyakati, “Kuyo cenga Basale ikuti kwakali kukonzeka.” Muta langi ku cisitilizyo cabutale, pele cimwi cisalalapyu. Uh-huh.

<sup>180</sup> Pele, amubone, Kaini wakasika kuzo komba, pele wa kajisi mbuto mbi muli nguwe, mbuto ya muzoka. I kufooma kwa muzoka kwa kamu fovoomena, nkambo wa kali mbuto ya

mwanakazi. Wa kali luzyi luyando lulondokede ilwa Leza, pele waakaka ku lucita. Sena mwakalizi obo? Saatani uli luzyi luyando lwa Leza, pele ukaka buyo ku lucita.

<sup>181</sup> Amubone, wa kabona Leza kasimpikizya mulumbe wa Abela. Lino Ndi yanda kuti tuyeeye, amu belesye Kasebyo ka muntu musongo lino kaindi kaniini. Mulumbe wa Abela wakaluleme, oyo Leza ngwa kasimpikizya kuba Bwini! Sena muya bujana na eno? Uh-huh. Mulumbe wa Abela waka tambulwa, nkabela Kaini wakaubona akuziba kuti Leza waka simpikizya kuti mulumbe wakali lusi. Pele ta konzyi kucicita nconzyo. Kulisumpula kwakwe kwaka mutantamuna kuli nguwo. Mbo mbubo, kulisumpula kwakwe kwaka mutantamuna ku kucicita. Wa kabona Leza kasimpikizya mulumbe.

<sup>182</sup> Aboobo ciboneka kuba lino, nciyumu kapati ku bantu kulibombya ku Ijwi lya Leza. Taba—taba—taba yandi kucicita. Bayo libombya beni ku buzumini bwabukombi bwa mbungano, masimpe, pele kutali ku Ijwi lya Leza.

<sup>183</sup> Ikuti na mwa jana ceecei, kamuya ku... Ndi jisi Lugwalo awa, nko nkuko Nkwe tondeka awa. Matalikilo 4:6 a 7, Leza wa kaambilia Kaini, kuti, "Nkaambonzi busyu bwako buli syulungene? Nkaambonzi wa zulwa lunyemo konse, koendeenda konse? Wa zwaa kumvwa mulumbe wa kunyonganya." Kati, "Ee, nkaambonzi nco citila ceeeo? Nkaambonzi busyu bwako buli syulungene, nkaambo kakuti Nse sika mu mbunngano yako? Aboobo nkaambonzi wacicita?"

Sa ubelesya Kasebyo ka muntu musongo? Wabona?

<sup>184</sup> Na, "Nkaambonzi to... Nkaambonzi uboneka boobo?" Kati, "Ikuti na wa cita kabotu, koya kacite mbuli munyoko mbwali mukucita abusena alya, Njo kutambula aku kulongezya. Njo kucitila cintu nciconya." Pele taka konzya kucicita. Wa kati, "Lino, ikuti na tokocita, cibi cakutasyoma cili a mulyango."

<sup>185</sup> Lino cindi ba twaambila kuti, "I mazuba a maleele aka mana," bala cibona ka cisimpikizigwa cakulondoka loko akutondezegwa, nywebo mwabona, zyonse zintu ezi Leza nzya kasyomezya kuti Uyo cita ku mazuba akumamanino, zya Ciybunuzyo 10 a malaki 4, zyonse zintu ezyo zya kasimpikizigwa cakulondola loko, ino ndipenzi nzi, bakwesu? Ncinzi cilubide, mwabona?

<sup>186</sup> Ikuti na taba citi; kutasyoma, cili ncibi. Kuli cibi comwe luzutu, calo, nkutasyoma. Mbo mbubo. To pegwi mulandu nkaambo kakuti ulanywa, kufweba, kuneela tombwe, kusama zigonkolole, kucita kufumbwa nco cita. Peepe, eco tacikupi mulandu. Nku kaambo kakuti to syomi. Ikuti na ula syoma, toka ciciti eco. Wabona? Ii musyomi ta ziciti ezyo. Walo ubweza Kasebyo ka muntu musongo, mwabona, mwabona, na Kasebyo ka mwanakazi musongo, kali konse kamwi. Yaa. Pele, nywebo mwabona, cibi cili a mulyango.

<sup>187</sup> Lino amubone eco ncoca kacita kuli Kaini, alimwi ciyooba mbubonya asunu. Ca kacitya Kaini kuzwa, sizibi wacaali. Wa kali sikutamvwa acaali. Muntu onse uyooba boobo. Sikutamvwa wa caali nakamana kubona mulumbe wa Abela kusimpikizigwa loko a Leza, kuti wakali wa bwini, nkabela wa kuukaka. Kacita mbubonya kaindi. Mpawo wa kazabuka muncali uppambula.

<sup>188</sup> Ngoooyo muncali ngo konzya kuzabuka. Mulizyi obo, embo na? Lino, nobakutausi, abali waano a kumasena mu i—i nyika ya matelefooni oko kapepele aka nko kasika ku cisi conse, sena mulaziba eco? Cindi mwa cibona kuti nca Lugwalo, nkabela tamukaciciti, Leza lyoonse taka... Uyo... Oh, uyo zumanana, ko lelekwa. Mbubonya mbwa kabede umwi aumwi waba Israyeli, ba kakkala moonya mu nkanda, a kukomezya bana, zisyango, a kulelekwa, a zintuzyonse, pele “umwi aumwi wabo wakapumbulwa Cabutamani kuzwa kuli Leza.” Jesu wakaamba boobo. Oh, iyi, Leza uyo zumanana kukuleleka, pele uli nyonyookede. Ncamasimpe. Obo mbo lyaamba Bbaibbele lino, obo Mbwa kaamba. Amubone, inga wazabuka muncali upambula. Sena mula syoma obo? Kaini wakacita.

<sup>189</sup> Atu—atu vunune awa asyoonto, Ndi jisi Bahebrayo 10:26. Atu bone na Nda konzya kujana eyo cakufwambaana kwini. I Bbuku lya Bahebrayo, chipati ca 10 a i... Nda syoma, kampango ka 26. Ndi ijisi kailembedwe awa. Kaindi buyo kaniini, ikuti na mulandi kkazikila camba, elyo atu Ci bale aniini. Yaa, mpaawo mpo tubede.

*Nkambo ikuti na twa bisya acaali twa mana...  
kutambula luzibo lwa bwini, ta kucikwe limbi cituuzyo  
ca cibi,*

*Pele kulangila kuyoosya kwini kwa lubeta ii bukali,  
obo buya kumyonyoona mulwani.*

<sup>190</sup> Ngu MBUBOOBU MBWAAMBA MUUYA UUSALALA WA LEZA. Ikuti na twa unduluzya twa mana ku Ci bona aku Ci mvwa, mpawo twa zabuka muncali. Ta kukabi kujatilwa limbi kuli ncico, wa zabuka muncali.

“Oh,” yebo wati, “Leza ucindi longezya.” Oh, inzya.

<sup>191</sup> Amuyeeye Israyeli, *baakatikati*, cindi Leza naka bapa cisymezyo, omuya mu Nyika Isalala, i... mu nyika, yakali mbotu, ya mukupa a buci, alimwi cindi Musa nakatuma Kalebi a Joshua, a basikutwela, kwiinka mutala, kuyo twela nyika, a kujosya bumboni bwaka simpikizigwa, kkumi lya mbabo bakati, “Ta tu cikonzyi, ta tukonzyi, amulange buyumuyumu okuya, tu yooba basikwiindilizya, tu jisi zintu ziniini zya kulwana azyo, amulange nzyo bajisi, ta—ta tukonzyi kucicita, ta tuko eikonzya kucicita.”

<sup>192</sup> Jushua a Kalebi bakati, “Tula inda kukonzya kucicita, Leza wakapa cisymezyo.”

<sup>193</sup> Elyo, amuyeeye, baka joka. Oko kwakali ku Kadeshi barnia. Elyo ba kajoka a kuba basikutuntulika mu nkanda. Elyo umwi amwi wabo wakafwa, akusweeka Cabutamani. Jesu wakaamba boobo.

<sup>194</sup> Uta zabuki muncali upambula, wabona. “Cindi wanozi kucita cibotu, nkabela to ciciti, kuli nduwe ncibi.”

<sup>195</sup> Israyeli yakacita nciconya. Niba kamana kubona kuti Musa waka simpikizigwa, elyo mpawo kulekela Balamu kubafwafwaza, eyo Mbuto mbotu ya kasimpikizigwa. Omweembeli, uta (soli) kwaamba cintu cilwana eli Ijwi. Amulange Balamu, wa kali musinsimi, alimwi wa kabona Mbuto ya Leza iya kasimpikizigwa. Pele kunsi lya kabungwe kamwi mwini ako nkali kuponenamo, Moabu yakaba eco cikama ca sikutuntulika kaba boola kwinda mu cisi, wa ka cifwafwaza, a kuti, “Ee, lindila anini. Toonse tuli Banakristo. Toonse tuli basyomi. Baa, bamatata a bamauso mbamwi buyo. Sa tatuli bana ba Lota? Sena Lota takali mujwa wa Abrahamu? Sa toonse tatuli bamwi? Atu kwatane muli cesu.”

<sup>196</sup> Elyo Israyeli, mbuli Eva mu muunda wa Edeni, atu mu fwafwaze, wa kafwafwaza Israyeli ayalo kwinda ku musinsimi mubeji. Kakuli, musinsimi wini wakali ambabo, a Ijwi lyaka simpikizigwa. Pele kwinda ku muzeezo wa luzibo lwabupampu, wa kabafwafwaza. Amu ciyeeye. Lino, tii caka jatilwa, cibi tii caka jatilwa.

<sup>197</sup> I mbuto zyaka bolela moonya mu kazila ka bulizi, mu lweendo kuya ku nyika ya cisomezyo. Umwi aumwi wabo wakaloba a kubola, moonya ku mbungano cigaminina, mu nzila ya bulizi, kabatobela Leza. Elyo kulekela Saatani kufwafwaza oyo musamu wabupampu ali mbabo, muzeezo, wa lwiyo lwabupampu, kwaamba kuti, “Baa, toonse tuli bamwi, toonse tuli bana ba Leza.” Tamuli obo! Pele wa kalekela mwiyi mubeji alya kubafwafwaza kubelesya muzeezo oyo wabupampu oyo ngwa kajisi wa Ndilyo.

<sup>198</sup> Elyo mbuli buyo Kkanso ya Bupaizi ncoicita ndyoonya lino, mwabona, cintu nciconya, “Baa, toonse tuyo sangana antoomwe mu kabunga komwe kapati.” Ciyanza canu conse cakabunga nca dyabulosi. Calo ncaando ca munyama, mu Bbaibble. Ndiya kuba a bbuku ali ncico, cakufwambaana, na Mwami wayanda.

<sup>199</sup> Amubone, mu ciindi ca Nowa, mukubona Ijwi kali yakwa, kukwiimpauka. Lino andi bambe bwaambe buniini awa, Ijwi kali bikkwa antomwe kuti lisandulwe kuzwa ansi kuya ku milengalenga. Mukubona bupange bwa cintu; pele a mizeeo yabo yabupampu, bakaseka kumeso aa musinsimi, Nowa, cindi nakali kusinsima zya ciindi camamanino. Pele cintu nca kacita... Obo bupange bwaka bambwa ku Ijwi lya Leza, kabikkwa nsakizi mukati aanze, ku mupailo a lusyomo. Cindi mvula niya kasika, mizeeo yoonse yabupampu iya bukombi

yakafwa a kubola moonya mu i...moonya mu mambungano abo, mpoonya a nyika. Elyo bwaato bwakaimpauka atala ly zyoonse. Zya sayaansi zyaka fwafwaza mbuto zibolede moonya mu lubeta.

<sup>200</sup> Cintu ncotu sola kucita, nekuba, tu sola kuyaka mbungano yesu na tu sola kuyaka Ijwi lya Leza? Ino tusola kucita nzi? Ino tu belekela ali? Sa tu sola kujosya bantu kuli Ceeci? Ino eyi Eden mpatti isola kucita nzi ku mazuba aya akumamanino, eyi mbungano Eva?

<sup>201</sup> Ndila leka cakufwambaana, mukwesu, nkaambo ciya—ciya bumana ciindi loko. Amundipe buyo maminiti atandila ku kkumi aosoanwe ambi, nkabela Ndila leka aa Lugwalo lwangu—lwangu awa. [Ii mukwesu wati, “Masimpe, koyabuya.”—Mul.] Inzya. Ncibotu. Ndi lizyi. Ee, antela bantu bayanda kunjila omuno a kusalazyu obu. Pele Ndi bona mbuli kuti nciyumu kuli ndime kuleka. Ndila binda. Ncibotu.

<sup>202</sup> Amulange, Eva mupati, walwiiyo asayaansi, wakatintanisigwa sunu, uutegwa mbungano, ino usola kucita nzi? Sa usola kusumpula Ijwi lya Leza, akulekela bantu kucita nzila mbo bacita? Taba belesyi Kasebyo ka muntu musongo, na, Kasebyo ka Leza. Amulange nzo bazyala. Bali mukuli sumpula beni. I mbungano ya, mu mbuto yazzo zya mabambe aluzibo, wa ciya mukowa onse kuba sikutaziba Ijwi lya Leza munzila yasayaansi. Lino Ndila jata twaambo otu, Nse ko jatilila ali ntuto kwa ciindi cilamfu lino, ku manizya. Sikutaziba munzila yasayaansi! Cindi Leza, mpoonya awa a nyika, kacita zintu Nzya cita, kwinda ku Ijwi Lyakwe lyaka syomezegwa, nkabela taba Li bikkili maanu alimwi kutantamuka nkaambo mbasikutaziba munzila yasayaansi. Sikutaziba munzila yasayaansi!

<sup>203</sup> Ndali kumwetamweta mpawo nkaambo ka Mukwesu Williams awa, walemba awa aa pepa, “Inga wa kkala ali ncico masikati onse,” cintucimwi. Pele, Nda cilumba eco, eco ncibotu loko. Mwabona?

<sup>204</sup> Pele bantu bala—bala bisya acaali. Ca kaleta i—i ciyanza conse ca mbungano yainyika sunu mu kubisya acaali kuli Leza. Baa, kulilemeka kwalyonse kuyo tondezya kuli ndinywe kuti Kuli kabotu. Ncibotu. Civumbyo cacisusi cakofwaaanya meso abo, ku Ijwi lya Leza, alimwi uli jana kuba acinswe alubo. Nywebo amubone, Leza, mu Ciybunuzyo 3, kati, “Bool, uule mafuta kuzwa kuli Ndime, kutegwa meso aako ajuke.” Mwabona, Mafuta ndi Ijwi Lyakwe.

<sup>205</sup> Nywebo mulizi, ba lati, “Ee, oyo muntu wakaiya kwa myaka ili makumi one, ku kujana digrii lyakwe. Ngu B.L.D., D.D., a zyoonse ezi.”

<sup>206</sup> Mulizi na eco Jesu nca kaamba kujatikizya ceeco? Wa kati, “I muntu alikake mwini.” Paulo wa kaamba.

Nywebo mwabona, “Eco ta caambi obo.”

<sup>207</sup> Ee, nkambonzi Paulo nca kacitobela, kai? Wa kati, “Nse kasika kuli ndinywe a majwi akoongelezya kwa busongo bwa muntu, nkaambo nimwa kayaka bulangizi bwanu ali ceeco. Pele Nda kaboola kuli ndinywe mu nguzu a luyubunuko lwa Muuya Uusalala, kuti majwi anu taka . . . lusyomo lwanu luka yakilwe aa Ijwi ly a Leza, kutali luyubunuko lwa busongo.”

<sup>208</sup> Kuboneka kuti bantu baka sweekelwa kulilemeka kwakwo kwalyonse a kusama kwabulemu. Taba cili mbo bakabede. Cakali kuba, cindi musinsimi nakati, “MBUBOOBU MBWAAMBA I MWAMI,” bantu bakakankama. Inzya, ba kacita ncobeni. I bantu bakeenda, nkambo bakali yoowede. Pele eno basweekelwa kuyoowa konse kwabo kuli Ndilyo. Taba muyoowi Leza.

<sup>209</sup> Solomoni wakati, “I—i kuyoowa Leza matalikilo aa busongo,” kutilika buyo kwa ncico.

<sup>210</sup> Pele musinsimi inga wakanana MBUBOOBU MBWAAMBA I MWAMI; bantu batu “bufuba!” Mwabona, takukwe bulangizi kuli mbabo. Ci, ba lati, “Baa, tuli basongo. Tuli bapampu, ta tweelede kubweza oyo musyobo wa zintu! Tu lizi eco nco twaambaula!”

<sup>211</sup> Akalo nkaambyo kakaindi, kuti, “Bafubafuba bayo enda a mabbusu atusindi twa mpikili, awo Baangelo mpo bayoowa kulyata.” Ncamasimpe.

<sup>212</sup> Lino, niinzi kusandulwa? (Cakufwambaana.) Mbobuti mbo tuku jana? Neinzi cileta kusandulwa? Leza ula cicita kwinda ku Muuya wa Ijwi Lyakwe. Ula sandula. Ula byala Mbuto Yakwe, wawaala Muuya Wakwe ali Njiyo, nkabela Ya zyala cipange. Muuya Wakwe Uusalala ulasandula Ijwi ly Mbuto mukati lyeelede kusimpikizya musyobo Walyo.

<sup>213</sup> Musyobo wa mbuto ngo bede, oyo utondezya eco cili muli nduwe cini. To konzyi kucisisa. Kufumbwa mbobede mukati, kutondezya aanze. To konzyi ku citantamuka. To konzyi kubamba samu eliya kuba cimwi pele obo mbo libede. Wabona, liya—liya kuba booboo. I Muuya Uusalala usandula imbuto zili mukati ka njiyo. Takukwe makani oyo musyobo wa mbuto mbo ubede, Uyo cisandula. Ikuti na ni mbi, iyo zyala bubi. Ikuti na ngu sikuupaupa, uyo zyala sikuupaupa. Ikuti na ndi Ijwi ly a Leza lyakasimpe, Liyo zyala mwana mulombe na musimbi wakasimpe iwa Leza, kwiinda mu Kasebyo ka muntu musongo. Cindi Mbuto yayutuka, Ila boola kwinda muli Ceeco, Ila zyala mwana mulombe a musimbi wa Leza.

<sup>214</sup> Buzuba bumwi cindi inyika niya kalede mu mudima wa lupyopyongan, Leza . . . Lino amuswiilile kabotu, nkaambo ta tuko kanana . . . aniini buyo ciindi cimbi. Amulange. Buzuba bumwi cindi inyika niyakali mu misyobo ya bukombi bonse alubo, kusamba mu maanza, mipika, kusama zisani zyandeene angowani zya tutambo, azimwi zimbi, yakali akati

ka lupyopyongano kumaninina. Iba Israeli beni ba Leza bakali pendukide loko kuzwa ku milao a mbeta zya Leza, Jesu wakati, “Nywebo a tunsiyansiya twanu, mwaka bamba Ijwi lya Leza kubula nguzu ku bantu, kwinda ku tunsiyansiya twanu.” Elyo amubalange bapaizi basalala, mboba baita; elyo Jesu wakati, “Muli ba uso wanu, dyabulosi, nkabela milimo yakwe njo mucita.” Mwabona, obo mbo mbubo ncobeni Mbwa kaamba.

<sup>215</sup> Lino cindi inyika niya kalede mu musyobo oyo wa bubambe, Muuya wa Leza wa keenda alubo atala lya Mbuto eyo yakakanzidwe. Wa kacinca akusandula Isaya 9:6 ya cisyomezyo Calyo; Walo, Leza, wakafungulwa mu mubili wabuntu, ku kuvuna eco ciindi calupyopyongano. Cindi muntu nakapangwa mu cinkozya ca Leza, mpaawa Leza wasika, kwinda ku musinsimi kucibona kumbele . . . Lino amuyeeye Ijwi, musinsimi waka cibwene kale kumbele, mbubonya buyo musinsimi mbwa kabona Saatani mu mazuba aya akumamanino, mwabona, zya mabambe aya alwiyo a zintu nzya jisi, mabambe abukombi. I musinsimi nguonya, Isaya 9:6, wakati, “Kuli ndiswe Mwana wazyalwa, kuli ndiswe Mwanamulombe wapegwa; nkabela Zina Lyakwe liyo tegwa ‘Sinkuta, I Sibwami wa Luumuno, I Leza Singuzu, I Taata Uteeli.’ Elyo bulelo Bwakwe tabu kagoli.” Alimwi eelyo Ijwi ndi Ijwi lya Leza. Elyo Muuya wa keenda atala lya Ijwi eelyo, nkabela Lyra kabumba mu luzyalilo lwa nakalindu. Ameni. “Ii Mwanamulombe wazyalwa,” kutali kulengwa, “kuzyalwa.”

<sup>216</sup> Saatani wa kasola a kusola alubo, ku Li fwafwaza. Wa ka Mutola atala akuti, “Ikuti na Uli obo Mbo wamba kuti Mbo bede, nkokuti kondi citila kuponya oku kumwi awa. Kondi tondezya nzila Mbo konzya kucicita. Sandula aya, cinkwa, a mabwe aya kuba cinkwa. Atu Ku bone uliwaale, nkambo Lugwalo lulati Uyo cicitia.”

<sup>217</sup> Mula abona madaimona aabukombi mazuba ano ka caamba cintu nciconya na? “Ikuti na kuli cintu mbuli kuponesegwa kwa Buleza; mpaawa kuledi Mukwesu *Niini-a-niini*, atu kubone umuponye.”

<sup>218</sup> Oyo dyabulosi nguonya wakaimikila ku ciingano ca Jesu, wakati, “Ikuti na Uli Mwana wa Leza, seluka kuzwa ku ciingano.”

<sup>219</sup> I Ijwi lyakati Wa kali Mwana wa Leza. I Muuya wakatondezya kuti Wa kali Mwana wa Leza. Isaya 9:6 yaka zulila. Elyo busiku bumwi, bunji bwanu mwakamvwa mu kapepele obo mbo twakapa Magwalo atandila ku makumi ali cisambomwe acisambomwe, akaindi, Nda syoma, ajatikizya kutondezya kuti Lugwalo lwakati Oyo wakali Nguwe.

<sup>220</sup> Oh, Saatani waka sola aku sola alubo, kucita zintuzyonse. Busiku bumwi, kalede kusule lya bwaato, waka Mu bona kaona.

Elyo wa kati, “Ndila Mu nyonyoona ndyoonya lino.” Pele ta kakonzya.

<sup>221</sup> Wa kasola ku Mu sunka kucita cintu cilubide, pele ta kakonzya kucicita. Nkaambonzi? Wa kasansailidwe cintu citantamuna ica lukanzo. Taba konzyi kweenwa. Peepe, peepe. I Ijwi lya kati Uya kubako. Ameni. Taakwe dyabulosi uyo Mu penzya alimwi kwina umbi mwana wa Leza, waka kanzwa kutola busena Bwakwe. Wa kafwafwaza a cintu citantamuna. Musamu ukola wa Saatani, bamadokotela batubungwe ta Mu gumi akwalo pee. Ule enda ncobeni, taakwe ciyo Mu penzya, mwabona. Taa cijisi nguzu zimwi ali Nguwe.

<sup>222</sup> “Ee, Njo Ku bamba kuba bbishopu nyika yonse. Ndi jisi bweendelezi kuli njiyo. Ikuti na Wa ndikomba buyo, boola usangane nkamu yangu, Njo—Njo Ku bamba kuba mweeendelezi. Njo seluka acuuno, akulekela Nduwe kuba atala.”

<sup>223</sup> Wa kati, “Koya kusule Lyangu, Saatani. Kuli lembedwe, ‘Uka kombe Leza, Ijwi, alimwi Walo alikke ngoya kubelekela.’” Mpawo buzuba bomwe...

Ali oyu Muntu mupati, Ndi yanda kukkala alya kwa kaindi.

<sup>224</sup> Pele buzuba bumwi, Muuya wa keenda ali Nguwe alubo; nkaambo kwakali Ijwi lya kalembedwe kujatikizya Nguwe, lyakazwa kwa Leza, kwinda mu musinsimi, “Elyo Wa kasololelwa ku cijailo, mbuli kabelele.” Elyo Muuya wa keenda ali Nguwe, aku Mu sololela, aku Mu tumina ku ciingano ca Kalivari. Alya Wa kafwa. Elyo zintuzyonse zya kaambwa kuli Nguwe mu lufu Lwakwe, zya kazulila, zyaka letwa ku Mumuni a Buumi ku Mbuto zyonse zya Leza zyakakanzwa zyakali atala lya nyika. Wa kaleta nzila ya kucicita. *Njeeyi Mbuto*, Muuya waleta Buumi; kusandula bana balombe abasimbi iba Leza, kuzwa kunyika mu lupyopyongano olu lwamudima, mukuba bana balombe abasimbi iba Leza.

<sup>225</sup> Sena mula lebwa ku bbala eelyo lya “lukunzo.” Ndi lizi mula cita. Pele, amuswiilile, Talili bbala lyangu. Ndimwi lya Majwi aa Leza. Mu yanda kulibala, amubale Baefeso 1:5, kwalo, “Wa katukanzila bwana bwa bana kwiinda muli Jesu Kristo.” Mwabona?

<sup>226</sup> Andili pasaule aniini buyo, aniini buyo, kupasaule ceeci kuzwa mu mizeeo yanu. Amulange. Mburonya buyo mbo mwakali muli bamauso, ku matalikilo, nseke ya mbuto. Sena mwakalizi obo, umwi aumwi wanu? Mwakali muli bama syanyookulu-bapati-bapati-bapati, akwalo, sena mwakalizi obo?

<sup>227</sup> Amubale Bbuku lya Bahebrayo, awo mpo tu jana kuti Levi wakapa cakkumi cindi nakali mu cikungu ca Abrahamu, nzyalani zyone kunze lyakwe. Cindi Abrahamu nakapa kwakkumi kuli Melikesedeki, kwaka balwa ku muzukulu wakwe

mupati-mupati-kuli nguwe kuyaansi, alimwi kaindi wa kali mu cikungu ca Abrahamu. Mpaawo we. Mwabona?

<sup>228</sup> Mwakali mu zikungu zya bamauso, pele bamauso tiiba kakonzya kuba aluswaanano andinywe kusikila nimwa kasandulwa kuba mu mibili yakunyama.

<sup>229</sup> Mwana wangu ulya wakali muli ndime. Nda—Nda—Nda kali kuyanda mwana, pele wa kali muli ndime kaindi. Mwabona? Wa kali muli ndime kaindi. Pele kwinda mu lukwatano, wa kasandulwa kuba mwaalumi mbuli ndime, elyo mpawo wa kaba mbuli ndime.

<sup>230</sup> Elyo mwakaba mbuli bazyali banu, mwabona, nkaambo yakali muli ndinywe, ku kutalika. Lino ikuti na tuli bana ba Leza, bube Bwakwe... Kwalo, muli bube bwa bamauso, kutali bwa bamanyokwe; bwa bamauso. I nseke zili muli bamauso. Mwabona? Elyo lino bamanyokwe bakali zikumbilo zyaka muzyala, kuzyala mbuto zya bamauso. Mwabona?

<sup>231</sup> Elyo nyika, kunyama, ayalo ncikumbilo ciyala mbuto ya Leza. Mwabona mbubonya buyo. Kutali inyika, obo inyika mboili mpati; mboobo upati bwa Leza bwaka ipanga. Mwabona? Mwabona?

<sup>232</sup> Lino ikuti na uli mwana amusimbi wa Leza, nkokuti wakali muli Leza ku matalikilo. Wa kali bube Bwakwe. Ikuti na tokaliko kaindi, nkokuti tokaliko na tokabi pe.

<sup>233</sup> Nkaambo, Nse konzyi kuzyala, kuzwa ku cikungu cangu, mwana wa mwaalumi *oyu* awa, na oyo mwaalumi *alya*, Ndi konzya biyo kuzyala bana bangu beni, alimwi inga kabatondezya bukozyanye bwangu. Aleluya. Mwa cibona?

<sup>234</sup> Bana balombe abasimbi bakali muli Leza ku matalikilo. Lino amulange. Yebo ujisi Buumi Butamani, wa amba. Tula cisyoma, kuti tu jisi Buumi Butamani. Ee, kuli ciimo comwe biyo ca Buumi Butamani, eco nca Leza. Eco nce cintu cilikke Citamani, ngu Leza. Mpawo ikuti na ujisi Buumi Butamani, obo Buumi muli nduwe bwakaliko lyoonse, alimwi wakali mu cikungu ca Leza akwalo kuzwa kumalengelo a inyika. Elyo cindi Ijwi Lini... Jesu Mwini ulategwa Ijwi, alimwi mu Musalali Johane 1, lyakati, "Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mibili wabantu a kukkanla akati kesu." Nkokuti wakali mu cikungu ca Jesu, nkabela wakainka ku Kalivari a Nguwe. Wa kafwa a Nguwe, alimwi wa kabuka a Nguwe. Elyo sunu tuli kkede mu masena Aakujulu muli Nguwe katuzwide Muuya Wakwe, bana balombe abasimbi iba Leza. Kofwa a Nguwe, kubuka a Nguwe. Masimpe.

<sup>235</sup> Lino mpawo, lino, lino mula konzya kuba aluswaanano a Nguwe. Tii mwa kakonzya kucebuka okuya, nkaambo mwakali buyo Ijwi muli Nguwe, mbuto. Pele lino Wa muyubulula, alimwi lino Walo uyanda kuti muba aluswaanano a Nguwe. Mpawo

Wa kaseluka ansi, wakaba mu mubili kutegwa Ka konzya cakulondoka kuba aluswaanano andinywe. Sena mwalubona luswaanano lulondokede? Oh, ma, alo maseseke a Leza asakene! Mbwaali mabotu! Mwabona, Leza taka konzya kuba aluswaanano mu Muuya, aboobo Leza wakaba muntu antomwe andiswe.

<sup>236</sup> Jesu Kristo wakali Leza Mwini, wakayubululwa, nkaambo, Wa kali Mwana nkaambo Wa kazyalwa, pele cakali biyo cilao Cakwe caku kkalila mo. “Taakwe muntu wakabona Leza ku ciindi cili conse, pele Simuzyalwa alikke wa Taata ngu waka Mu lungulula.” Leza waka liyakila ng’anda Mwini, mubili waku kkalila mo, wakaseluka kutegwa kamukonzya ku Mu guma. Timoteo Mutaanzi 3:6, “Kakutakwe nkazyanyo, mapati maseseke aa buleza; nkambo Leza waka yubululwa mu mubili, wakabonwa a Baangelo, waka syomwa, akutambulwa ku Julu.” Mwabona? Lino Wa . . .

<sup>237</sup> Yebo mukuba mubili, a Walo mukuba mubili, mpawo inga waba a luswaanano lino, nkaambo Wa kali bube bwa luyandisyo lwa Leza. Leza walo nduyandisyo. Sa mbo mbubo? Elyo Jesu wakali bube bwa luyandisyo lwa Leza. Elyo cindi bube bwa luyandisyo nilwa katondezegwa, kwalo oyo wakali Leza Mwini; bube boonse bwaka lenglelela ali Nguwe, kasika kuli Nguwe, “Boonse abo Taata mbaka Ndi pa, bayo boola kuli Ndime.” Masimpe, baka cita kukanzwa. Ikuti na tii kwaali obo, tamu kabiko. Kwa mana. Ncamasimpe.

<sup>238</sup> Lino tula konzya kuba aluswaanano, lwakali kwinda ku i—i buvubi bwa Ijwi Lyakwe, alimwi mukati moli cibeela ca mbubo. Uli cibeela ca Ijwi; nkaambo Wa kali Ijwi ku matalikilo, uli Ijwi lino. Wabona? Ndila kambauka sunumasiku, na Munsondo na bumwi bwa mazuba cindi Nda kubako, kujatikizya obo Ijwi mbolibede, mwabona. Elyo lino uli cibeela ca Ijwi.

<sup>239</sup> Amuswiilile. Kuli cintu comwe Nce takonzyi kucita. Nse konzyi kulikankaizizya basinsiku bangu. Peepe, Nda kainda mu bubyabi loko. Bataata bakali bana Irish. Baama bakali bana sikkwa India, bana India baakatikati; bakatambula penshioni. Lino, bonse babo, bakolwi, bunji bwabo bakafwida mu mabbusu abo, kabalwana, basikulwanya bantobolo, azimwi zimbi. Nse konzyi kulikankaizya acintu kujatikizya ceeco, nkaambo basinsiku bangu a mukowa wa mukwasyi wangu mubyabi.

<sup>240</sup> Pele, mukwesu, kuli cintu comwe Nce konzya kulikankaizizya, Nda konzya kulikankaizizya Mwami wangu Jesu Oyo wakandi nununa. Elyo a nguzu Zyakwe zisandula zyaka syanga mbuto, kwinda ku lukanzo, nkabela Nda ka Ibona. Ino Ndili mwana wani ono? Inzya. Nda konzya kulikankazizya Nguwe. Alimwi Nda katola myaka ya buumi bwangu ili makumi otatwe aitatu, kulikankaizizya Nguwe. Ikuti na Wa ndilekela

kuba kwa myaka imbi ili makumi otatwe aitatu, Njo sola kulikankaiziza kumbi ali Nguwe. Mwabona? Nda konzya kulikankaiziza ali Sinsiku wangu, aleluya, Oyo wakandi nununa a kusyanga mbuto ya Buumi mukati *omu*, akundi lekela kulanga ansi ku Ijwi eli, wakatuma Muuya Wakwe ansi a kuti, “Ndeeli We. Kanana *ceeci*, nkabela ciyo citika. Kocita *ceeco*.” Elyo oh, ma, Nda konzya kulikankaiziza Nguwe! Ino Wa kacicita buti? Kwinda kukusanzya ku maanzi aa Ijwi, maanza akusalazya. Ni twa konzya kucipandulula.

<sup>241</sup> Basyomi beni bakakanza bay a kukkanala a Ijwi nkaambo balo ncibeeela ca Ijwi eelyo.

<sup>242</sup> Oh, nyenyezi zituntulika, cila lampa buti ciindi kamutuntulika? Noba Methodisti, Baptisti, Presbyteria, baanze, kufumbwa mbomunga mwaba, nyenyezi zituntulika, kuzwa ku mbungano kuya ku mbungano, kuzwa ku musende kuyaku busena, a televizhioni ku televizhioni, inyika ku inyika, nkaambonzi toboli? Walo usukamina kuba aluswaanano anduwe. Walo usukamina nduwe. Walo uyanda kukusandula kwinda ku kubukulusya kwa mizeeo yako, kutali ku mbungano na ku kabungwe, pele ku Ijwi Lyakwe, kwalo, uli cibeela ikuti na oko kuyandisya kuli muli nduwe.

*Balacoolwe abo balo bafwa nzala a nyota ya bululami: nkambo bayo kkuta.* (Mwabona? Uh-huh.)

<sup>243</sup> Elyo Wa katuma nguzu Zyakwe zyakusandula, ku kugusya kuzwa ku kulemana oku kwa bukombi mobede. Mu lupyopyongano olu lwa kulemana motubede, Leza wakatuma nguzu Zyakwe zyakusandula, Ijwi Lyakwe, lyakasimpikizigwa, lyakatondezegwa, ku kugusya ku kulemana oku kwa bukombi bwakutaziba omo moendela, “sicinswe, moofu, usampukide, nkabela ta cizyi.” Amu ciyeeye, beenzuma.

<sup>244</sup> Nywebo mulizi, Leza wakatuma nguzu Zyakwe zyakusandula ku kuzulizya Ijwi Lyakwe, a kucinca mubili onse wa Sarah a Abrahamu. Zyakusandula mudaala a mucembele, nkaambo Wa kasyomezya kuti Uyo cicita.

<sup>245</sup> Elyo eco Leza nca syomezya kucita, eco Uya kucicita. Takukwe cintu, cili conse... Kufumbwa cintu cakapendulwa, Leza takwe cakucita a ncico. Pele Uyo bamba Ijwi Lyakwe, nkabela Uyo tuma Muuya Wakwe! “Nde Mwami ndaka Kai syanga. Njo Iti laila isikati a masiku, kulesya kuti ita gusigwi kuzwa mu maanza Aango.” IBbaibbele lya kaamba boobo.

<sup>246</sup> Oh, nyenyezi zituntulika, nomu jisi kuyandisya mu myoyo yanu! Mweelede kuba ankuko, nape nimwa tali kkede awa kuseeni oku. Alimwi nimwa tali mu mambungano ayo a mu maauditoriamu, a zintu momubede, kumasena akonse ku cisi, ikuti na Cintucimwi tee camuleta mukati omo. Muntu umwi waakanana kuli ndinywe. Ute endi kusakana kumwi. Nkooko kusanzigwa kwa maanzi ku ijwi, kuyo kutubya mbuli caanda.

Oh, nobana ba Leza, amuswiilile! Muta kkali mu kulemana oko. Amuzwe muli nkuko. Abrahamu wakasyoma Leza, a kwiita cili conse cakaiimpene . . .

<sup>247</sup> Yebo wati, “Mbobuti Mbwe nta jane kuponena kwangu? Mbobuti Mbwe konzya kucita *ceeci?*” Eyo ni ncito ya Leza. “Mbobuti Mbwe konzya? Balongwe bangu bayondi futatila.”

<sup>248</sup> Leza wakati, “Oyo uya kusiya bawisi, banyina, mukaintu, mulumi, miinzi, maanda; Njo bapa miinzi a maanda, Njo bapa bamawisi a bamanyina, a banabakwabo a bacizi, mu inyika eyi, a Buumi Butamani mu inyika iiciza.” Nci syomezyo, mweenzuma. Kuteeti, oh, eco ceelede kutilailwa! Conse cisymezyo ca Leza cibola kucitika. Yonse Mbuto ya Leza ncisyomezyo.

<sup>249</sup> Elyo, mucizi, leka kugela masusu ayo, nkaambo ncintu ceenzu kumbele lya Leza. Koleka kusama zisani ezyo, calo ncisesemyo kuli Nguwe!

<sup>250</sup> Nywebo nobakwesu, nywebo nobaalumi, amuleke kucitila tubungwe otu, mu kucita zintu, akulekela bamakaintu banu kucita zintu zili obo. Ta ceeleli ku Banakristo.

<sup>251</sup> Amupiluke ku Ijwi! Amubweze elyo Ijwi, Liyo komena. Lyeelede kukomena. Nguzu zya Leza zyakusandula izyaka Li menya mu busena butaanzi, Uli mu lweendo Lwakwe ncobeni kajoka, ka Li pilusya alubo eno. Uli mukupilukila ncobeni alubo oko nkoya kabede.

<sup>252</sup> Enoki wakatolwa kujulu, kuzwa ku lufu, kwinda ku nguzu zya Leza zyakusandula. Nkaambonzi Leza waka cita ceeco? Ku cikozyanyo ca Mbungano iya kukwempwa eyo iboola. Inzya. Eliya wakali mbubonya.

<sup>253</sup> Mibili wa Jesu waka pononosegwa niwa kamana kufwa. Elyo mu cuumbwe, mibili wa Jesu waka pononosegwa ku Ijwi lya Leza; a kusandulwa, kuzwa ku cinkozya, cifwide citontola, kukuba Mwana wa Leza, wakabusigwa akupegwa bulemu. Nkaambo musinsimi, Ntembauzyo 16:10, ikuti na tuyanda kwilemba, 16:10, kati, “Nse kasiyi buntu Bwakwe mu gehena, alimwi Nse kalekeli Umwi Wangu Uusalala kubona kubola.” O Leza!

<sup>254</sup> Eelyo Ijwi lyeelede kucitika, Ndi Ijwi lya Leza! Ko Li syanga mu moyo wako, ikuti uyanda kuyo yinka mu Kukwempwa. Ikuti na uyanda kuba Munakristo wakasimpe, kobikka Ijwi eeli. Mbuli Mbwe syoma kuti wakali Ezekieli, Leza wakati, “Bweza skroo eyo a kwiilya,” kuti musinsimi a Ijwi babe bomwe. Elyo conse cisymezyo okuya ceelede kuliayubulula cini, nkaambo ni Mbuto ya Leza ntaanzi. Uta lekeli silwiyyo lwabukombi umwi wakaiya awa kusola ku Li gusya muli nduwe. Uta mulekeli ku kufwafwaza eyo sayaansi a luzibo lwakunyama, a Iwiiyo. Kosyoma Leza!

<sup>255</sup> Abrahamu takabweza kubbutukizya kwa sayaansi ya buzuba bwakwe, kuteeti, “Nda cembaalisya kuba amuvwanda, Nda kasakana. Nda kacita *eci*, *eco*, na i *cimbi*.” Pele wa kaita cili conse cakaimpene, ku Ijwi lya Leza, mbuli kuti tii cakaliko. Elyo ta kazungaana ku cisyomezyo ca Leza, kwiinda ku kutasyoma; pele wakali muyumu kalumbaizya Leza. Wa kalizi kuti Leza wakali kukonzya kucita eco Nca kasyomezya.

<sup>256</sup> Oh, nobana batuntulika, bakalemana kwinda ku zintu zizambaila zya nyika eyi! Nobacizi batuntulika, acakuti masena a mafashioni a inyika eyi amu kwela! Alimwi, omucizi oyandwa, inga wandi langanya kuba simizeeo iigambya, pele bumwi bwa mazuba aya cindi waku swaana eco Florence Shakarian nca kaswaana busiku bumwi; waa kakkala mu kaanda aka, awalo, mu busena obu, mbuli mbozyi. Cindi waku swaanganya ceeco, uya kuziba, kutali ndime, pele eli Ijwi kuti ndya kasimpe. Kotantamuka kuzwa ku mayake ayo akugelela masusu, ayo mantoolo amafashioni. Kotantamuka kuzwa ku zintu ezyo.

<sup>257</sup> Kwaamba, “Nkaambonzi toba yiisyi zintu zipati, nzila ya kucita *ceeci*?” Kotalika buyo ama ABC, elyo mpawo tuyoo boola ku alujebra. Mwabona? Kotalika buyo kwiiya, “uuli mulimo wanu weelede.”

*Nda mu kumbila aboobo, bakwesu, ku luse lwa Leza,  
kuti mu tuule mibili wanu kuba cituuzyo cuumi,  
cisalala, a citambulika kuli Leza, uli ngo mulimo wanu  
weelede.*

<sup>258</sup> Ko cita buyo, “mulimo wako weelede,” Leza uya kulanganya zimwi zyaco; mwabona, kubuzyabuza buyo zintu nzo konzya kujanina bwiinguzi kuli lwako a kucita. Ta ceeleli... Ta ceeleli ku mwanakazi kulisamununa konse, a kweenda awa akulilemeka booboo, kakuli Bbibbele lila citapatila? Ta cili ceelela ku mwaalumi kuli waala mu kayanza aka kabuzumini mbuli mbo tu jisi sunu, a zyonse zintu ezi awa, a zyonse ezi zintu zya maseminari, a zintu mbuli ezyo, kakuli ziliimpene cakumanina ku Ijwi lya Leza? Mwabona?

<sup>259</sup> Milomo ya Isaya, wa kali muntu buyo wa milomo iitusalali. Wa kati, “Mwami, Ndili akati ka bantu batasalali, alimwi Ndi jisi milomo iitusalali. Maawe kuli ndime nkaambo Nda mubona Leza.” Elyo Angelo wakaseluka, wakabweza Mulilo, Mulilo Uusalala kuzwa ku cipaililo ca Leza, a kusandula milomo yakwe; kuzwa ku milomo ya muntu utuntulika, kuya ku milomo ya musinsimi waka jisi MBUBOOBU MBWAAMBA I MWAMI. Nguzu zya Leza zyakusandula!

<sup>260</sup> Ii bazeli banswi bali myaanda a makumi obilo, alimwi—alimwi musambazi wa masila aapepo wakaindi muubauba, mwanakazi, alimwi abaabo bakalibunganya beni mu ng’anda ya mujulu a akujala milyango, bamwi babo tiiba kajisi lwiyyo lukubwene lwakusaina mazina abo beni. Leza waka basandula

kuzwa ku bazeli banswi, kuba bazeli babantu; kuzwa ku baalumi a banakazi bamu tugwagwa, kuba basalali ba Leza, batafwiki. I nguzu zya Leza zyakusandula!

<sup>261</sup> Paulo, simbungano wa mubusena, muna Presbyteria, Methodisti, Baptisti, Pentekoste, na cintucimwi; kunselelo mu kagwagwa wa kainka, kajisi muuya wakwe mulemu usampauala muli nguwe, cakutu wa kalizi kunjii kwinda umwi wabo. Wa kakomena kunsi lya Gamalieli, umwi wa bamaiyi babotu loko bakaliko mu cisi. Ncini cakacitika mu lweendo lwakwe kaselemukila ku Damasiko, kuyo jata cikama ca bantu abo bakali kusyoma Ijwi lya Leza? Mu lweendo lwakwe kaselemukila okuya, waka uminwa ansi, nkabela wa kamvwa Mulumbe. Elyo Wa kamusandula kuzwa ku kuba simbungano a sikuunka ku mbungano; kuba musinsimi wa Leza, oyo wakalemba Ijwi lya Leza, mu Cizuminano Cakaindi. Kuzwa kuli simbungano kukuba musalali!

<sup>262</sup> Oh, nyenyezi ituntulika, atu leke. Mwana utuntulika, Mbuto ituntulika kaiinka kuzwa ku busena kuya ku busena, mu kulemana oku; amunyone, kuseeni oku, nobana. Akaka amundi mvwa mbuli ii—mbuli muntu usola kwiimikila akati ka baumi a bafu.

<sup>263</sup> Aanze oko ku cisi ca kapepele moka boola ikuti na ucili ku zibelesyo zyakukwabana, kuti waka tuntulika mu busena, akaka kokkala aniini cindi cimbi. Ndi lizi kuti ciindi camana okuno mu Tucson na, mundi jatile, Phoenix, alo maminiti ali makumi obilo kutandila twelufu. Elyo Ndali bajisi bantu aba lyonse kuseeni konse. Nda mulesya kuya ku ncito zyanu a zintu. Pele langa, mweenzuma oyandwa, inga watantamuka kuzwa kuli Leza kwalyonse. Akaka piluka kuseeni oku. Toko cita? Kuli busena ku Kasensa.

Mu cilido cabanyama ciindi cakainda, Ndi lizi  
mbo kubede ncobeni,  
Ii Muwwanda wakazyalilwa kufutula bantu  
kuzwa ku zibi zyabo.  
Johane waka Mu bona aa nkomwe, Kabelele  
walyonse,  
Oh, Kristo, Wakabambulwa aa Kalivari.  
Oh, Nda tuyanda ulya Muntu uzwa ku  
Galilaya, uzwa ku Galilaya,  
Nkambo Wa kandi citila kunji loko.  
Wa kalekelela zibi zyangu zyoonse, kabikka  
Muuya Uusalala mukati;  
Oh, Nda tuyanda, Nda tuyanda ulya Muntu  
uzwa ku Galilaya.  
Simitelo wakainka kuyo paila mu tempele  
omuya buzuba bumwi,  
Wa koompolola, “O Mwami, kondi fwida luse!”

Wa kalekelelwa zibi zyoonse, a luumuno  
lusakene lwa kabikkwa mukati;  
Wa kati, "Amuboole mubone Muntu oyu uuzwa  
ku Galilaya." (Yaa.)  
I balema bakabambwa kukonzya kweenda,  
basyataambi bakabambwa kuti bakanane  
Kuteeti nguzu zya kaambwa a luyandisyo aa  
lwizi;  
I boofu bakabambwa kubona, Ndi lizi cakali  
kukonzya kuba nconzyo  
I luse lwa Muntu oyo uuzwa ku Galilaya.

<sup>264</sup> Cikozyanisye eco ku mulimo iwa sunu.

I mwanakazi ku mukalo, Wa kamwaambila  
zibi zyakwe zyoonse,  
Obo mbwa kajisi balumi bosanwe ku ciindi  
comwe.  
Wa kajatila zibi zyonse, nkabela luumuno  
lusakene lwaka bikkwa mukati kakwe;  
Wa koompolola, "Amuboole mubone uulya  
Muntu uuzwa ku Galilaya!"

<sup>265</sup> Mwanakazi, Ula konzya kucita nciconya. Wa bala moyo  
wako kuseeni oku. Mwaalumi, Wa bala moyo wako. Oh, simitelo,  
atu paile!

Oh, Nda tuyanda ulya Muntu uzwa ku  
Galilaya, uzwa ku Galilaya,  
Nkambo Wa kandi citila kunji loko.  
Wa kalekelela zibi zyangu zyoonse, kabikka  
Muuya Uusalala mukati;  
Oh, Nda tuyanda, Nda tuyanda ulya Muntu  
uzwa ku Galilaya.

<sup>266</sup> Sa toko Mu yanda, a ndime, kuseeni oku? Oh, nopilingene,  
sizibi utuntulika, okuno na kubusena nko konzya kuba, sa  
ula muzumina Mwami wangu kuseeni oku? Walo ndi Ijwi,  
alimwi Ijwi lya letwa kuli nduwe. Sa toko Mu zamina kuseeni  
oku? Walombwa utambike buyo maanza ako na kwimikila ku  
matende ako, an cintucimwi, a kupaila, kwaamba, "Ndi yanda  
ku Mu zamina ndyoonya eno. Mukwesu, Nda libambilila. Ndila  
yanda ndyoonya eno ku Mu zamina." Walombwa wiimikile  
ku matende ako, kufumbwa wali kuyanda kupaililwa, a kuti,  
"Ndili..." paililwa, mubwini, "Ndime sizibi. Ndi yanda..."  
Leza aku longezye, munene. Umwi umbi? Nyoonse amu paile  
eno, aniini buyo.

Oh, mu cilido eco ciindi cakainda, (Yakali mu  
lupyopyongano, nywebo mulizi, inyika yakali  
obo.) alimwi Ndi lizi ili boobo ncobeni,  
Ii Muvwanda muniini waka zyalilwa kuvuna  
bantu kuzwa ku zibi zyabo.

Cindi Johane naka Mu bona aa nkomwe, Wa  
kali oyo Kabelele wa lyonse, (Oyo nguonya  
asunu.)  
Oh, Ngu Kristo, Wakabambulwa ku Ciingano.

<sup>267</sup> Sa toko Mu yanda sunu a moyo wako onse, kutegwa uzwe  
mu ciimo eci canyika mobede? Nywebo nobanakazi, nywebo  
nobaalumi, oh, ino mwa kkalilanzi awa ciindi eci conse? Ciinka  
kutondezya kuti kuli cintucimwi kunsi muli ndinywe, kuli  
cintucimwi alya cifwanzala a nyota. Inga kamutano kkede awa  
kwa maora aya obilo na otatwe, kamu kkede mu buyake obu  
mbuli boobu; kuli cintucimwi. Sa tamuko swiilila buyo kuli  
ncico sunu? Kuleka mafashioni a sayaansi, a zintu zyonse zya  
inyika, kuloba kuzwa ku mizeeze yanu ndyoonya eno, mukwesu  
na mucizi oyandwa.

I mambungano ali muku kamantana, masi  
mapati amwaika, Israyeli ili mukusinsimuka,  
I zitondezyo ezyo basinsimi nzoba kaamba  
kumbele;  
I mazuba a Bamasi abalwa, a mafwabi  
abuyumuyumu;  
“Amubweede, O nomu mwaikide, kuya  
mwanu.”

I buzuba bwa lununuko bwaswena,  
Myoyo ya bantu ili mu kuwizuka nkambo ka  
buyoofu;  
Amu zuzigwe Muuya, amube a malampi anu  
kapukutidwe akuba kabotu,  
Amulungumane! Lununuko lwanu lwaswena.

Basinsimi babeji bali mukweena, Bwini bwa  
Leza bali mukubukaka,  
Kuti Jesu i Kristo ngu Leza wesu.

<sup>268</sup> Lino, obo mbwini. Mulizi obo, toonse swebo, buzuba mbo  
tupona. Pele Wa kati:

Kuyooba Mumuni kutandila ku ciindi caku  
mangolezya,  
I nzila ku Bulemu muyo ijana masimpe.

<sup>269</sup> Obo mbo buzuba mbo tuponamo calino. I Mumuni uyo  
mweka nkoonya ku mangolezya cindi mudima waakuba, ciindi  
camununi waku mabbililo, nyenyeesi yaku mangolezya.

Mumuni waku mabbililo a nyenyeesi yaku  
mangolezya,  
Elyo kwamana obo mudima!  
Kukabule kuusa kwa kulayana,  
Cindi Nda kutanta bwaato kumamanino;

Nkambo boonse bali anze mba munzi wa ciindi  
 a mwaakwe,  
 Elyo miyoba iya kundi kuyumwida kulaale,  
 Pele Ndi yanda kubona Pailoti wangu busyu a  
 busyu  
 Cindi Nda kuzabuka mungwala.  
 Ta ndaambili, mu myeelwe ya koomoka,  
 Kuti buumi nciloto citakwe cintu!  
 Elyo buntu buli fwide obo bufukula,  
 Elyo zintu tazili mbo ziboneka.  
 Inzya, buumi nkasimpe! Alimwi buumi  
 ncizibyo!  
 Alimwi cuumbwe taili mbaakani yabo;  
 Nkambo uli suko, ku suko kuyo bweeda,  
 Tii kwa kaambwa ku buntu.  
 Buumi bwa bantu balemu boonse mula  
 twiibalusya,  
 Elyo tula konzya kubamba maumi esu kabotu  
 akukwelelezya kapati,  
 Elyo, kwaandana, kula tu siila,  
 Ndyato zya matende aa misenga ya ciindi;  
 Ndyato zya matende, kutegwa antela umwi,  
 Kuciindi no tweenda kwini kusetekene kwa  
 buumi,  
 Ii mukwesu sibukata amana kusiigwa ku  
 bwaato bwanyonyooka,  
 Mu kubona, uyo bweza moyo alimwi.  
 Atu pakamane, mpawo, a kuno cita,  
 A moyo ku nzwango imwi;  
 Utabi mbuli syataambi, ng'ombe zibingwa!  
 Koba muyandwa bantu mu nzwango!

<sup>270</sup> Oyandwa Leza, tuli Bako. Nda bona baalumi obilo baimikila  
 ku matende abo, Taata. Nda komba, Leza, kuti Uyo babweza  
 lino. Ba yanda kuba bana Bako. Ba sinsimuka kuzwa kukutaziba  
 kwa buumi mbo bakapona, elyo lino bayanda ku katulukwa,  
 kubukulusigwa, a lubbizyo lwa Muuya Uusalala atala lya  
 Mbuto eyo yaka syangwa mu myoyo yabo buzuba obuno. Leza  
 Utamani, Mulengi wa zintu zyonse, Oyo wakabamba Ijwi  
 Lyako, elyo Ndila syoma kuti Wa lizi kuti aba baalumi kuti  
 balacita ceeci kuseeni oku. Nda komba, Mwami, kuti Uno  
 litilalila Ijwi eelyo, isikati a masiku, a kuta sola kulekela  
 Saatani kuligusya mu maanza Aako. Akube kuti likabe samu  
 kuti ziindizimwi, mu Paradaiso ya Leza, cindi lyoonse lyaku  
 pilusigwa alubo, nkambo Ijwi Lyako tali konzyi kukakilwa,  
 liyooba alubo. Nkambo eyi inyika . . .

<sup>271</sup> Alimwi takukabi musyobo oyu wa lusumpuko mu inyika  
 iiciza. Takukabi myootokala na cintu eco sayaansi ncoya kasola

kucita. Takukabi zintu ezi mu inyika eyo iiciza. Pele uyooba musela wa Leza Mwini wa lusumpuko oyo Ngwaya kuyaka mu bulelo bwabulemu. Nkambo, mu lusumpuko olu taakwe kuciswa, lufu, buusu, zyumbwe, a kubula. Pele mu Bwami obo bu ciza, takukabi lufu, nanka buusu, nanka kuciswa, nanka musela wakoongola. O Leza, iyooba mpya konse okuya, mu lusumpuko Lwako.

<sup>272</sup> Leza, kotu sandula sunu, kwinda ku nguzu Zyako, kwinda ku kubukulusya kwa mizeeza yesu, tu gusye kuzwa ku tuntu tutakweankotuya twa inyika eyi lino, ku Ijwi ly a Leza. Elyo akube kutu bukulusiga kwinda ku nguzu zyakusandula izya Leza aa Mbuto ili mu moyo wesu, kuti twa syoma, kuba zilenge zitegwa mbana balombe abasimbi iba Leza. Oyu ngo mupailo wangu kuli Nduwe, Taata, wa bantu, mu Zina ly a Jesu. Ameni.

<sup>273</sup> Lino kuli ndinywe nomuli anze mu kapepele, kufumbwa nkamu bede, Ndi yanda kuti mutambule Kristo kumasena oko, mbuli Mufutuli wanu wacigaminina, a kuzuzigwa Muuya Wakwe. I Majwi aambwa kuseeni oku, akube kuti Alo kkale mu moyo wanu. Alimwi oko amu mutambule Jesu. Elyo amu langilile buumi bwanu, a kubona obo mbo mupona kwamana. Alimwi amubweze Kasebyo ka muntu musongo awa. Wa libona omwini kocita cintucimwi ciimpene ku Ijwi eeli, cita ntamuke, cakufwambaana nconzyo. Wabona? Nkaambo, kuli Kasebyo ako katantamuna lufu kuzwa kuli ndinywe, ndi Ijwi ly a Leza. Majwi Aakwe alo Mbuumi, nkabela Ayo mubamba kuzwa ku lufu.

<sup>274</sup> Nywebo nobantu awa lino bali mu auditoriamu, Nda mujata kwa ciindi cilamfu. Nda mulumba kukujanika kwanu. Nda komba kuti Leza atakalekeli Mbuto eyi kufwa. Ndi langila kuti tamu yeeyi kuti Ndi imikila awa ku kwaamba zintu ezi kuba wiimpene. Nda zyaamba nkambo ka luyandisyo; a kuziba kuti kuciindi ne Ndi cili uufwika, mbuli Mbwe bede eno, nce ciindi cilikke Nceya kusola kukambaukila bantu. Elyo Nda tuyanda Jesu Kristo. Walo Mufutuli wangu. Elyo amuyeeye, nekunga Ndili mu tugwagwa omuya ikuti na takali Nguwe. Nekunga ndili kokuya, baziyali bangu boonse, bantu bangu bonse, bakali basizibi. Pele Leza, a nguzu Zyakwe zyakusandula, Ndi lizi kuti zya kandi bamba kuba cilenge ciindene kuzwa muli ndime. Elyo Nda konzya—Nda konzya ku cikulwazizya nduwe, ku kuba kabotu. Elyo ciyo kubamba mu maora a mapenzi. Nokuba ku lufu, ku mulyango, to jisi buyoofu. “Takukwe cintu cikonzya ku twandaanya kuzwa ku luyandisyo lwa Leza, luli muli Kristo.” Akube kuti Leza alongezye umwi aumwi wanu, aku mupa Buumi Butamani.

<sup>275</sup> Mbangaye omuno abo bata jisi Mbuto ya Leza, lubbizyo lwa Muuya Uusalala? Walombwa utambike buyo janza lyako, akuti, “Kondi yeeya, Mukwesu Branham, kuti Nka tambule oyo Muuya Uusalala.” Lino kobikka Ijwi mu moyo mu—wako, aku Li syoma. Lino ikuti na uya . . . Inga wali langa. Kotanta akulanga

ciboniboni, nkabela inga wabona awo mpobede. Wabona, inga waziba.

<sup>276</sup> Yebo wati, “Ee, Nse tambika janza lyangu, nkaambo Ndi syoma kuti Ndili jisi.”

<sup>277</sup> Koli langa omwini mu ciboniboni, mpawo ula bona musyobo wa muuya ukweena, wabona. Kuyeyea kwa kacengwa! “Kuli nzila iboneka kabotu ku muntu, pele mamanino ayo ninzila zya lufu.” Sa obo mbwini?

Kunselelo ku ciingano oko Mufutuli wangu  
nkvakafwida,  
Kunselelo kuya ku kusalazigwa zibi Nda  
kalila;  
Oh, kuya ku moyo wangu Bulowa bwa  
kalambwa;  
Bulemu . . .

<sup>278</sup> Amu jale buyo meso anu, aniini lino, aku Mwi imbila eyo.  
Atu tambike maanza esu.

Bulemu ku Zina Lyakwe! (Zina Lyakwe  
liyandisi!)  
Bulemu ku Zina Lyakwe!  
Mpaawo ku moyo wangu Bulowa bwa  
kalambwa;  
Bulemu kuli Lyakwe . . .

<sup>279</sup> Ndi yanda ndinywe no Banakristo kusukana maanza aumwi,  
oyo wafutulwa.

Ndili boteledwe loko kufutulwa kuzwa ku cibi  
Jesu ula kkalilila cabubotu mukati,  
Alya a ciingano Mpa kandi tolelamo;  
Bulemu ku Zina Lyakwe!  
Bulemu ku Zina Lyakwe! (Zina liyandisi!)  
Bulemu ku Zina Lyakwe!  
Oh, kuya ku moyo wangu Bulowa bwa  
kalambwa;  
Bulemu ku Zina Lyakwe!

<sup>280</sup> I Bulowa buli jisi nseke ya Buumi muli Mbubo, nywebo  
mulizi. Eci cili kuli baabo bata Mu zyi:

Oh, boola ku Kasensa aka kavubide a kabotu  
loko;  
Kowaala buntu bwako bucete ku matende aa  
Mufutuli;  
Oh, ndumpukila mukati sunu, aku manizigwa;  
Bulemu ku Zina Lyakwe!  
Oh, bulemu kuli . . .

Atu kotamike mitwe yesu lino mbuli mbo tuyiimba.

Bulemu ku Zina Lyakwe!  
 Mpaawo ku moyo wangu Bulowa bwa  
 kalambwa;  
 Bulemu ku Zina Lyakwe!

<sup>281</sup> Mula Mu yanda? [Mbunga yaamba, “Ameni.”—Mul.] Paulo wakati, “Njo imba mu Muuya. Njo komba mu Muuya.” Atu yiimbe cabuteteete ncobeni alubo, a maanza esu mujulu.

<sup>282</sup> Nywebo mulizi, penzi lya ncico, to bantu ba Pentekoste, twa kasweekelwa lutangalo lwesu, twa kasweekelwa kulimvwa kwesu. Mbuli Billy Graham mbwa kaamba masiku ainda, “Balo bakambausi, amakkola anyonedwe, kaba selemukila ku Musanza, kaba kamba maanza abo akuumma matende abo mujulu aansi aabusena, a kukotama, ba kajisi cintu ncoba kali ku kkomanina.” Ee, inzya, Ndi jisi Cintucimwe Nce kkomanina. Mwabona? Mwabona? Inzya. Inzya, twa kasweekelwa kulimvwa kwesu.

<sup>283</sup> Lino atu tambike buyo maanza esu. Muta pengi kujatikizya misozi, tai konyonganya cintu, mwabona. Eco tacinyonganyi. “Oyo weenda kaya bubyala, mu misozi, cakutazumbaunya uyo bweeda, kajisi maila mayandisi.” Yaa.

Bulemu ku Zina Lyakwe! (Zina liyandisi!)  
 Bulemu ku Zina Lyakwe!  
 Mpaawo ku moyo wangu Bulowa bwa  
 kalambwa;  
 Bulemu ku Zina Lyakwe!  
 Bulemu kuli Lyakwe... (O Leza! Alumbwe  
 Leza!)  
 Bulemu ku Zina Lyakwe!  
 Bbizya Mbuto, Mwami, mu moyo!  
 . . .ku moyo wangu Bulowa bwa kalambwa;  
 Bulemu ku Zina Lyakwe!



*NGUZU ZYA LEZA ZYAKUSANDULA* TNG65-0911  
(God's Power To Transform)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo kuseeni, Itwi 11, 1965, ku kalimbabula ka Full Gospel Business Men's Fellowship International iku Ramada Inn mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)